

本草綱目拾遺

錦章圖書局
印行

12-3
P. 81.3

至增劑以其味苦降泄也 胸痞溼爛 百草鏡云芽茶參鬚各等分爲末摻之 固牙補腎方 氏效方生熟石膏各五錢甘松山奈各三錢細辛二錢寒水石二錢升麻一錢五分青鹽參鬚各三錢 北五味五十粒畢澄茄四十五粒共爲末每晨擦牙漱口下亦可

參葉

遼參之葉也率多參客帶來以其氣味清香而微甘善於生津又不耗氣故服參者乾之帶以餉 遺代茶葉入湯用不計入藥用也人亦無用之者近因遼參日貴醫輒以之代參凡症需參而無力用 者輒市葉以代故今大行於時蘇州參行市參葉且價至三五換不等 色不黃粹綠翠如生手搽之 有清甜香氣者真 氣清香味苦微甘其性補中帶表大能生津祛暑氣降虛火利四肢頭目浸淫 沐髮能令光黑而不落醉後食之解醒第一 按人參三椹五葉乃稟三才五行之精氣寄形於草質 爲百草之王其根乾之色黃得坤土正色其子秋時紅如血是土之餘生火也故能峻補元氣返人魂 魄其功尤能健脾蓋脾主中宮爲萬物之母人無土不生參得土德之精以生人非若芪朮之賦滯世 所以重之然百草本性大率補者多在根葉則枝節之餘氣不可以言補也參葉雖稟參之餘氣究其 力止能行皮毛四肢性帶表散與參力遠甚惟可施於生津潤燥益肺和肝之用今一概用作培補元 氣起廢救危何不察之甚耶 清肺生津止渴藥性考

八參子

人參子如腰子式生青熟紅近日販參客從遼東帶來者皆青綠色如小黃豆大參葉上甚多 甯古塔一帶七八月霜大難以入山故不能待其子熟生取而歸以售客每多綠色發痘行漿凡痘不 能起發分標行漿者藥內加參子後日無癢場之患

環參

金沙江志產東川者味似參較苦○本草從新云出閩中以大而明透者佳須多去皮滾水泡過 然後可用因其苦劣之味皆在外邊近中心則苦減而稍甘○書影叢說雲南姚安府亦產人參其形 扁而圓謂之珠兒參○藥性考珠兒參根與薺芩同 苦寒微甘味厚體重○救生苦海云補肺降火 下氣肺熱有火者宜之臟寒者服之即作腹痛鬱火服之火不透發反生寒熱血症用之可代三七○ 藥性考味辛甘性溫能托裏外症堪用 按珠參本非參類前未聞有此近年始行然南中用之絕少 或云來自粵西是三七子又云草根大約以參名其性必補醫每患其苦寒友人朱秋亭客山左聞貨 珠參者有製法服之可代遼參每五錢索價五十金秋亭罄千金市其方祕不輕授子懇其弟退谷始 得其術因錄之以濟貧珠參切片每五錢以附子三分研末拌勻將雞蛋一個去黃白每殼納參片五 錢封口用雞哺待小雞出時取出將筆畫一圍於蛋上作記如此七次共成七圍其藥即成矣每遇垂 危大症并產蓐無力吃參者煎服五錢力勝八參并能起死回生較臘狐心功力尤捷不得少服約人 以五錢爲率每次須多做數兩救人 濟陰保元湯 醫鈴此方理脾化邪生氣引氣生血爲調經聖 藥瀆珠參三錢以米仁四錢拌水蒸透咀片再入薑加米仁汁蒸曬乾用懷生地一兩砂仁酒薑三味

本草綱目合覽

卷三 草部 參葉 人參子 珠參 太子參 羅浮參

上海錦章書局印

十四

拌蒸九曬收再以瓦焙為炭當歸四錢白芍三錢酒炒川芎二錢去淨油米泔水浸洗收乾再入酒浸丹參四錢酒洗透芫蔚子四錢酒蒸透香附三錢以薑土醋鹽童便甘草水乳汁逐次製過用雲白朮五錢陳土炒女貞子三錢以白芥車前水浸乾用如氣血熱加丹皮生地氣血寒加肉桂數分不真確之寒熱而先後至者照本方如經閉無分婦女本方加牛膝

太子參 從新云雖甚細小卻緊而堅實力不下大參 百草鏡云太子參即遼參之小者非別種也乃蘇州參行從參包中揀出短小者名此以售客 味甘苦功同遼參

羅浮參 羅浮山志羅浮所產人參殊與本草人參不類狀如仙茅葉細莖圓有紫花三葉一花者為仙茅一葉一花者為人參根如人字色如珂玉黃汁食之味與參無別但微有膠漿耳 味甘帶苦生津養胃補虛羸潤肺

西洋參 藥性考西洋參似遼參之白皮泡丁味類人參惟性寒宜糯米飯上蒸用甘苦補陰退熱薑製益元扶正氣○從新云出大西洋佛蘭西形似遼東糙米參煎之不香其氣甚薄若對半辨開者名片參不佳反藜蘆入藥選皮細潔切開中心不黑緊實而大者良近日有嫌其性寒飯鍋上蒸數十次而用者或用桂圓肉拌蒸而用者忌鐵刀火炒 苦寒微甘味厚氣薄補肺降火生津液除煩倦虛而有火者相宜 腸紅 類聚要方用西洋參蒸桂圓服之神效

東洋參 汪玉于言東洋參出日本東倭地其參外皮糙中油熟蒸之亦清香與遼參味同微帶羊膻氣入口後微辨為各別耳然性溫平與西洋佛蘭參性寒平者又別此參近日頗行無力之家以之代遼參用亦有效每枝皆重一錢許亦有二三錢者總以枝根有印日本二字名價入換無字價五換蓋有印字者乃彼土之官參最道地無印者皆彼土之私參也亦有通身皮糙內肉白色者不佳桂圓肉拌蒸曬用○癸丑三月子在李燮堂先生處見有東洋參二種一種大者粗如拇指儼似西洋參最堅實多肉一種小者每枝不過二三分亦有分許者肉薄不甚堅實據言二種皆日本洋客帶來新時俱色白皮皆有皺紋其大者切片口含過夜皆化而無滓小者含口中三夜皆不化大者煎湯色淡少味小者反濃厚二種俱出日本倭地而小者何以色味獨厚豈生產之土又不同耶又一種亦出東洋近奉天旅順等處者皮上有紅紋云彼倭國中亦珍之言其力更十倍於此船商多以貴價售得轉販中土今蘇州有東洋參店專市此參者蓋因上年壬子冬江浙疫瘧遍染小兒死者不下千百計有教服東洋參能助漿解毒服之果驗遂大行於時入藥內須飯鍋上蒸透曬乾用磁餅收存方免蛙壞○又一種東洋參出高麗新羅一帶山島與關東接壤其參與遼參真相似氣亦同但微薄耳皮黃紋粗中肉油紫屠舞夫攜來子曾見之據云性溫平索價十換言產辱服之最效其力不讓遼參也○五雜俎人參出遼東上黨者最佳頭面手足皆具清河次之高麗新羅又次之今生者不可得見入中國者皆繩

縛蒸而夾之故上有夾痕及麻線痕也新羅參雖大皆用數片合而成之功力反不及小者擇參取透明如肉及近蘆有橫紋者則不患其偽矣

昭參

金沙江志卽人參三七產昭通府肉厚而明潤頗勝粵產形如人參中油熟一種主子元官於滇

曾以此遺外舅稼村先生子親見之狀較參紅潤大小亦不等味微苦甜皮上開有帶竹節紋者劉仲旭少府云昭通出一種名蘇家三七儼如人參明潤紅熟壯少者服之作脹惟六十以外人服則不腹

脹其功大補血亦不行血彼土人患虛弱者以之蒸雞服取大母雞用蘇三七煎湯將雞煮少時又將三七渣搗爛入雞腹用線縫好隔湯蒸至雞爛去三七食雞可以醫勞弱諸虛百損之病據所言卽昭

參也○宦遊筆記三七生廣西南丹諸州番峒中每莖上生七葉下生三根故名三七土人入山採根暴乾色微黃形似白芨長而有節者其味微甘而苦頗類人參人參補氣第一三七補血第一味同而

功亦等故人並稱曰人參三七爲藥品中之最珍貴者此常中丞筆記所言人參三七外皮青黃內肉如人參者爲真其長形者乃昭參水三七之屬尙欠分晰也○識藥辨微云人參三七外皮青黃內肉

青黑色名銅皮鐵骨此種堅重味甘中帶苦出右江土司最爲上品大如拳者治打傷有起死回生之功價與黃金等○沈學士云竹節三七卽昭參解醒第一有中酒者嚼少許立時卽解又近時人參三

七中有名佛手山漆者形長儼如佛手上有指出廣西藥客販至其價在圓山漆之上此名葶薺山漆卽所稱銅皮鐵骨參三七是也王戎有客自打箭爐來帶有藏三七名佛手參儼如乾麥冬而堅實形

小不大作三又指形玲瓏如手故名王聖俞嘗其味淡而微辛涼云能治肺血勞損此亦白芨三七之屬也○浙產台溫山中出一種竹節三七色白如僵蠶每條上有凹痕如臼云此種血症良藥庚申

子於晉齋處見瓊州山漆圓如芋皮光色黃白肉黃如金云瓊人珍之名野山漆勝右江所出者又一種出田州土司如佛手形名佛手三七云此種係野生入藥更勝○百草鏡云人參三七味微甘頗似

人參入口生津切開內瀝青色外皮細而緣一種廣西山峒來者形似白芨長者如老乾薑黃有節味甘如人參亦名人參三七又名竹節三七此外又有旱三七名蘿蔔三七色白味苦有小三七色黑出

湖南寶慶府亦名紅三七有羊腸三七卽水三七之類形如羊腸細曲又一種出雲南昭通者能亂人參色味無異且油熟明透但少蘆耳然回味太甜金御乘云近時市品三七之外有水三七有白芷三

七有竹節三七其形狀功效皆未見其有考核者味甘苦同人參去瘀損止吐衄補而不峻以末搽諸血中血化爲水者佳大能消癥瘕跌撲損傷積血不行以酒煎服之如神按人參三七出右江土

司邊境形如葶薺尖圓不等色青黃有皮味甘苦絕類人參故名彼土人市入中國輒以類之大小定價每顆重一兩者最貴云百年之物價與遼參等餘則每顆以分計錢計者價不過一二換而已昭參

無皮形如手指絕無圓小者間有短扁形者亦頗類白芨樣金沙江志所載以爲卽人參三七恐未確

上海錦章書局石印

故附存劉說以備考 治吐血 種福堂方用雞蛋一個打開和人參三七末一錢藕汁一小杯陳酒
 半小杯隔湯燉熟食之不過二三故自愈 七寶散 仇氏傳方刀傷收口用好龍骨象皮血竭人參
 三七乳香沒藥降香末各等分爲末溫酒下或參上 陳氏回生集載軍門止血方人參三七白蠟乳
 香降香血竭五倍牡蠣各等分不經火爲末敷之

菊花參 產雲南東川府巧家汎江邊葉似菊花 功用同人參力較遜

紅毛參 百草鏡漳泉估舶從紅毛帶來絕不類參形長而粗長者有三四尺色紫黑粗者如拇指折之
 中有白點痕有起花紋與建參相似 止瀉痢如神

煤參 出陝西西安等處形如參皮心俱青黑故名施柳南太守云此參出陝西華山食之多吐人其性
 亦劣 味微苦甘同人參功力則薄耳

建參 法落梅附 藥性考福參出閩浙頗似人參而性味辛熱虛寒病宜之歌云又有福參辛苦甘齊性
 溫益氣虛冷人宜註福參多食則喉痛故知性熱○乙未子館刻川故郵屬也聞有市建參者往覓得

之儼如臺參中油熟一種大者惟不能純透亦有蘆無竹節紋味亦苦甘以竹刀剖之心空不似還參
 之堅實劉贊之自閩回言閩中近日大行亦清補兄患風火牙疼煎湯漱口立愈則性又帶寒散或言

其性熱者猶未確也○金御乘云建人參性熱獨不宜於產婦與遺參形色氣味真相似但遺參入口
 回味生津此則回味稍澆故功用亦殊河南出光山參嵩山參儼與遺產無別惟嚼之有渣不糯味亦

淡

法落梅 金沙江志產雲南東川府法夏地○己酉友人王鼎條患心腹痛有客從滇帶此物來呼爲法

落梅用根其形儼如上黨參色亦黃白味甘苦服之疾愈據云彼中人皆名法落梅而不知諸書何以

作梅字耶蔡雲白言建參閩人呼法落梅 治心痛如神

土人參 各地皆產錢塘西湖南山尤多春二三月發苗如蒿艾而葉細小本長二三寸作石綠色映日

有光土人俟夏月採其根以入藥俗名粉沙參紅黨即將此參去皮淨煮極熟陰乾而成味淡無用準

繩劫瘴消毒散用之呼爲百丈光 甘微寒須蒸之極透則寒去氣香味淡性善下降能伸肺經治節

使清肅下行補氣生津治咳嗽喘逆痰湧火升久瘧淋瀝難產經閉瀉痢由於肺熱反胃噎膈由於燥

澹凡有升無降之症每見奇效以其根一直下行入土最深故也 脾虛下陷滑精夢遺俱禁用以其

下行滑竅孕婦亦忌 白帶初起 百草鏡土人參切片三兩用陳紹酒飯上蒸熟分作三服吃完即

愈 王安采藥方云土人參補陰虛對茯苓熬膏治楊梅結毒酒煎服

上黨參 防黨附 本經逢原云產山西太行山者名上黨人參雖無甘溫峻補之功卻有甘平清肺之力

不似沙參之性寒專泄肺氣也○百草鏡云黨參一名黃參黃潤者長出山西潞安太原等處有白色

者總以淨軟壯實味甜者佳嫩而小枝者名上黨參老而大者名防黨參 味甘性平治肺虛能益肺氣

防風黨參

從新云古本草云參須上黨者佳今真黨參久已難得肆中所市黨參種類甚多皆不堪用

惟防黨性味和平足貴根有獅子盤頭者真硬紋者偽也白黨即將此參煮曬以成原汁已出不堪用
○翁有良辨誤云黨參功用可代人參皮色黃而橫紋有類乎防風故名防黨江南徽州等處呼爲獅頭參因蘆頭大而圓凸也古名上黨人參產於山西太行山潞安州等處爲勝陝西者次之味甚甜美勝如棗肉近今有川黨蓋陝西毗連移種栽植皮白味淡類乎桔梗無獅頭較山西者迥別入藥亦殊劣不可用 味甘平補中益氣和脾胃除煩惱解渴中氣微虛用以調補甚爲平安

南沙參

藥性考南沙參形粗似黨參而硬味苦性涼清胃瀉火解毒止咳甯肺○從新云南沙參色稍

黃形稍瘦小而短近有一種味帶甜者不可用○張璐本經逢原云沙參有南北二種北者質堅性寒南者體虛力微 功同北沙參而力稍遜 按參類不一有竊參名者如苦參沙參是也有竊參形者如薺芫三七是也凡參皆隨地運爲升降故各地皆產參而性亦各異功用總不及遠參今擇可入藥爲綱目未及載者悉附識於此以廣知焉○張觀齋云珠兒參者其形獨蒜似之去皮煮熟色如紅熟人參因圓大面如珠故名其味苦而微帶辛不知何根子所造價每筋五錢治牙痛有驗大畧苦者性寒而辛者必散是火鬱發散之意未必全在補功也至於紅黨參卽紅蘿蔔草所造白黨參未考此皆蘇地好奇者所製好奇之醫因而用之走方者所以惑鄉人稱太子參者乃參中之全枝而小者是參客巧取之名也洋參清氣同參味苦必寒疑產陰山補功雖不及人參較之珠兒紅白黨等遠矣土人參俗名觀音山貨形與人參無二亦有糙熟之分出處不一中有白絲心而味淡親見台溫處州及新昌嵎縣人有貨此參者價每兩兩許未考其性亦未用過如南沙參誤用者甚多南沙參產於浙地者鮮時如蘿蔔土人去皮煮熟如熟山藥曬乾如天花粉而無粉性本名粉沙參功專散毒消腫排膿非南沙參也其南沙參形如桔梗而中空鬆味淡微甘桔梗帶辛而南沙參不辛產於毫門者最佳俗名雄桔梗藥肆中卽於桔梗包中揀出水潤打扁切片確類銀柴胡片此則入肺而理嗽功如北沙參而兼理氣蓋中空之義也台州亦出桔梗而條幹帶硬亦有雄桔梗如南沙參但色不如毫產者白蓋參類本不一近日價日昂貴而各種偽品雜出人亦日搜奇於窮巖荒壑中覓相似草根以代混倘誤用之爲禍非淺王釋堂云時下盛行一種福建長樂參廣西南陔參二物頗似儼與臺參油熟無別味亦苦中帶甜蒸湯亦極濃厚然皆性熱不似人參之平和滋益也卽臺參中近日人頗有入白糖及滷水製透取其重也凡參八分可製重二分作一錢以圖利店中有此參者每日必蒸焙否則潮潤難售故市參者須加意焉

本草綱目拾遺

卷三

草部 防風黨參 南沙參 於木

上海醫藥科學出版社

於此

即野朮之產於潛者出縣治後鶴山者爲第一今難得價論八換其形有鶴頭鶴頸羽翼足俱

全皮細帶黃切開有硃砂點其次出北鄉皮色帶黑不黃茅翼云產徽州者皆種朮俗稱糞朮乃糞

力澆灌大者肥而無鶴頭野生者名天生朮形小有鶴頭甚長內有硃砂點朮上有鬚者尤佳以得土

氣厚也於朮亦野生出於潛產縣治龍脈土上者其內點真似硃砂猩紅如灑血鶴頸肉蘆乾之清香

產他處內或無點純白或有黃點總不及龍脈上產者爲上品冬月採取形味方全一種江西朮其形

甚小與野朮相似雖有鶴頸而甚短其體堅實其味苦劣不可用○萬歷杭州府志白朮以產於潛者

佳稱於朮清異錄潛山產善朮以其盤結醜怪有獸之形因號爲獅子朮○西吳里語孝豐天目山有

仙文峰產吳朮名雞腿朮入藥最佳○百草鏡云白朮一莖直上高不過尺其葉長尖傍有鍼刺紋花

如小薊冬採者名冬朮汁歸本根滋潤而不枯燥卻易油不能止瀉春採夏採者藏久雖不易油卻枯

燥不潤肉亦不飽滿凡收朮須陰乾勿曬曬則爛野朮形小蘆梗細硬皮細若蘆軟而粗即種朮矣又

有家朮係台朮中揀出如野朮者但切開有暈紋台朮雖種而不用糞故不肥大服之不脹倘野朮難

得此爲穩安徽宣城歙縣亦有野生朮名狗頭朮亦佳又一種係取野朮種灌以糞形雖大皮卻細緊

出樟村較徽省種朮稍好今人論野朮云黑土者真不知土色各處不同不可執一而論又云小者真

然老山貨年久亦有大者又云有硃砂斑者真不知於朮亦有無硃砂斑者據土人言產縣後山脈及

黃塘至遼東橋一帶西流水四十里地之朮方有硃砂點他處則無但野朮入口甜味雖重氣極清香

自不同也總以白爲佳以潤爲妙○葉天士本草云浸刮飯鍋上蒸曬如棗黑黃土炒爲中宮和氣補

脾之藥○本經逢原云雲朮肥大氣壅台朮條細力薄甯國狗頭朮皮赤稍大然皆栽灌而成故其氣

濁不若於潛野生者氣清無壅滯之患入風痺痰溼利水破血藥俱生用然非於潛產者不可生用也

○張觀齋云今有一種野朮深山處必有形如於朮切開有硃砂斑香而不甜細考其味親見其苗乃

天生之蒼朮也因久無人採故大而宛如於朮大凡朮以火焙乾者味必苦生曬者味必甜台朮以及

各處種朮皆於朮所種而變者功雖不如於朮服亦有驗今於朮絕少市中皆以仙居所產野朮充於

朮功亦相等○辛亥五月有客自青田縣來帶有天生朮大小如一約重兩許俱生者未經日曬乾焙

若乾之可三錢許其朮形儼如仙鶴翹足皆具亦有長頸頭皆左顧一一相似無作磊塊形者詢之云

此朮不生於土所生之地係青田邊境有一山山有石壁壁上每年生此朮二三十筋不能多有○吾

杭西北山近留下小和山一帶地方及南高峯翁家山等處皆產野朮氣味香甜生啖一二枚終日不

飢生津溢齒解渴醒脾功力最捷切開無硃砂點膚理膩細而白如雪色名曰玉朮又呼雲朮亦不易

得入藥功效與於朮等較他產野朮尤力倍也 甘補脾溫和中補氣生血無汗能發有汗能止開胃

補脾則能進飲食去勞倦止肌熱化癥癖和中能已嘔吐定痛安胎燥溼利小便生津液止泄瀉化胃

經痰水理心下急滿利腰膝血結去周身溼痹凡下焦陰氣不脫上焦陽氣曠脫者無力用參重用野朮大能起死回生用糯米泔浸陳壁土炒或蜜水炒人乳拌用炒黃不宜焦焦則無力矣熬膏更良禁忌同白朮 代參膏 楊春涯驗方於朮十觔白米泔水浸三晝夜洗淨浮皮蒸曬十次有脂沾手爲度切片熬膏一火收成滴紙不化用白茯苓十觔春末水飛去浮只取沈者蒸曬十次沾手如膠與朮膏攪勻每服兩許米湯送下 治虛弱枯瘦食而不化用於朮酒浸九蒸九曬一觔菟絲子酒煮吐絲曬乾一觔共爲末蜜丸梧子大每服二三錢 四製仙朮散 治盜汗不止此藥如神於朮四兩分四製一兩黃芪煎汁炒一兩牡蠣粉炒一兩麩皮湯炒一兩石斛湯炒只取朮爲末服三錢粟米湯下 各色痢疾 傳信方於朮一兩老薑一兩當歸五錢水二盞煎好露一宿服自愈

保胎丸 良方集要茯苓二兩條芩一兩於朮土炒一兩紅花一兩沒藥三錢製香附一兩元胡索醋炒一兩益母草去根一兩共研末蜜丸桐子大早晚白滾水服七粒不宜增減戒惱怒勞傷生冷發氣等物凡遇腹痛腰酸作脹卽宜服之成孕三月卽服起直至足月不但保胎卽臨產亦可保易生無恙方內紅花元胡索二味皆是行血滑胎之品分兩大重每味只可二錢方合本方君臣用者詳之 三日瘧 古

今良方九製於朮一觔廣皮八兩熬膏用飴糖四兩收 又方 專治四日兩頭或一二年至三四年不愈者或愈而復發連綿不已者用於朮一兩老薑一兩水煎發日五更溫服卽愈重者二服永不發矣北雲朮 邊塞志產遼東口外五國城等處此朮初生土中並無枝葉生於暗地者多城北最盛天氣晴和則掘地求之可得色如枯楊柳大小如筋蔓延數十步屈曲而生此地病人無藥物凡有疾者煎此朮湯服之自愈又可占病人之吉凶若煎沸數次藥浮者病卽愈半浮半沈者病久不愈土人以此驗之

治風寒傷食一切病 南連 仙姑連 天姥連 一名土連浙温台金華山中俱有之出處州者名處連以形大毛輕者好性較川連尤寒北人市去爲馬藥○百草鏡土黃連二月發苗根葉與羊蹄大黃無異但短小耳三月抽莖高有尺許花細成穗結實初青後紅子藏棧中夏至後枯出浙江者名慈連安徽甯國府宣城出者粗肥名宣黃連 性寒而不滯入膏丹用最良 吉氏家傳血痢用宣連爲末以雞子搜作餅炭火煨令通赤蓋定勿泄氣俟冷研細空心米飲下五分大人一錢以意加減 按宣連卽今江浙東西一路所產黃連皆當日宣州路也

仙姑連 出台州仙居縣邑人相傳吳魏時蔡經居此故以名邑王方平曾偕麻姑降其宅今遺址猶存其地產黃連粗如雞距皆作連珠形皮色青黃光潔無毛味大苦寒折之有烟色如赤金者佳療火症更種於川產者馬藥非此不可

天姥連 出天台皮色鼠褐略有毛刺味苦入口久含有清甘氣 大瀉心火性寒而帶散故治目症尤

草部 北雲木 南連 仙姑連 天姥連 水黃連

上海錦章書局石印

水黃連

川中一種黃連生於澤旁過身有黃毛如狗脊毛狀名水黃連頗細小醫家不知用市人以之

偽充真川連出售惟祝氏效方用之○百草鏡水黃連打箭爐出者形細長少稜刺較重於他連以皮肉帶青色者為佳出小西天者色黑有毛者佳無毛光黃者次之 治鼻疔用百部三錢切片曬乾炒

取淨末二錢地骨淨炒二錢五倍子炒黃蘗炒甘草炒各二錢水黃連切片炒一錢共為末如鼻疔爛通孔者以此調香油搽立結痂愈

馬尾連

出雲南省藥肆皆有之乾者形如絲上有小根頭土人盤曲之以市 性寒而不峻味苦而稍

減不似川連之厚性能去皮裏膜外及筋絡之邪熱小兒傷風及痘科用

浙烏頭

即僧鞋菊 此乃烏頭之產於浙地錢塘寬橋人種之市為風瘋藥近日人家園圃亦有之名鸚

鵝菊又曰僧鞋菊追風活血取根入藥酒良

霍石斛

五色石斛附 出江南霍山形較釵斛細小色黃而形曲不直有成毬者彼土人以代茶茗云極

解暑醒脾止渴利水益人氣力或取熬膏餉客初未有行之者近年江南北盛行之有不給市買率以風蘭根偽充但風蘭形直不縮色青黯嚙之不黏齒味微辛霍石斛嚙之微有漿黏齒味甘微鹹形縮

者真○百草鏡石斛近時有一種形短祇寸許細如燈心色青黃咀之味甘微有滑涎係出六安州及潁州府霍山縣名霍山石斛最佳咀之無涎者係生木上不可用其功長於清胃熱惟胃腎有虛熱者

宜之虛而無火者忌用○年希堯集驗良方長生丹用甜石斛即霍石斛也范瑤初云霍山屬六安州其地所產石斛名米心石斛以其形如累累米多節類竹鞭乾之成團他產者不能米心亦不成團也

甘平味鹹 陳廷慶云本草多言石斛甘淡入脾鹹平入胃今市中金釵及諸斛俱苦而不甘性亦寒且形不似金釵當以霍斛為真金釵斛○清胃除虛熱生津已勞損以之代茶開胃健脾功同參芪○

定驚療風能鎮涎痰○解暑甘芳降氣

五色石斛

雲南志產祿勸州普渡河瀕江石壁間色紺紅者佳 療胃熱益虛羸

銀柴胡

經疏云俗用柴胡有二種一種色白黃而大者名銀柴胡專用治勞熱骨蒸色微黑而細者用

以解表發散本經並無二種之說功用亦無分別但云銀州者為最則知其優於發散而非治虛熱之藥明矣本草匯柴胡產銀夏者色微白而軟為銀柴胡用以治勞弱骨蒸以黃牯牛溺浸一宿曬乾治

勞熱試驗○本經逢原云銀柴胡銀州者良今延安府五原城所產者長尺餘肥白而軟北地產者如前胡而軟今人謂之北柴胡勿令犯火犯火則不效○百草鏡云出陝西甯夏鎮二月採葉名芸蒿長尺餘微白力弱於柴胡○藥辨云銀柴胡出甯夏鎮形如黃芪內有甘草串不可混用○翁有良云銀

柴胡產銀州者佳有二種但辨形如鼠尾與前胡相等查前胡與柴胡相類皆以西北出產者為勝形

既相同當以湖廣古城柴胡爲準今銀柴胡者細不等大如指長者
本草不對治病難分兩用究非的確用者詳之○金御乘云銀州柴胡軟而白北產亦有白色者今人
以充白頭翁此種亦可謂銀柴胡蓋銀指色言不指地言猶金銀花白色者曰銀花是也銀柴胡原有
西產北產之分不必定以銀夏者爲銀柴胡也然入藥以西產者勝○按綱目註銀柴胡以銀夏出者
爲勝不知今人所用柴胡有北柴胡南柴胡之分北產如前胡而軟南產強硬不堪用又銀柴胡雖發
表不似柴胡之峻烈綱目俱混而未析 甘微寒無毒行足陽明少陰其性與石斛不甚相遠不但清
熱兼能涼血和劑局方治上下諸血龍腦雞蘇丸中用之凡入虛勞方中惟銀州者爲宜北柴胡升動
虛陽發熱喘嗽愈無甯字可不辨而混用乎按柴胡條下本經推陳致新明目益精皆指銀夏者而言
非北柴胡所能也 周一士云凡熱在骨髓者非銀柴胡莫療 治虛勞肌熱骨蒸勞瘵熱從髓出小

兒五疳羸熱

無芎 產江西撫州中心有孔者是

辛溫無毒

逢原云性最升散專於開鬱寬胸通行經絡鬱在中

焦則胸膈痞滿作痛須無芎開提其氣以升之氣升則鬱自降故無芎總解諸鬱直達三焦爲通陰陽
氣血之使然久服耗氣令人暴亡矣○按芎藭有數種蜀產曰川芎秦產曰西芎江西爲撫芎綱目取川
芎列名而西芎撫芎僅於註中一見亦不分其功用蓋芎藭以蜀產爲上味辛而甘他產氣味辛烈遠不
逮矣殊不知西芎與川芎性不甚遠俱爲血中理氣之藥第西產不及川產者力厚而功大至撫芎則性
專於開鬱上升迥然不同故石頑於川芎下另立撫芎一條以明不可混今從之 芎歸飲 不藥夏方
治失血湧吐因飽食用力或因持重勞傷脈絡用當歸二兩或三兩酒浸洗撫芎一兩微炒水三盃酒一
盃半煎至八分作二次服之取其引血歸經並治跌撲墮打而傷脈絡令人大吐者二症中如有瘀血或
加大黃下之或加桃仁紅花破之或加鬱金黃酒行之審症酌加其效更速 普濟方一切熱癩時毒腫
痛撫芎煨研入輕粉麻油調塗

土藜蘆

汪連仕云卽干葉水仙花黃白者入藥紅者不可服取根罨毒曬燥研末合通關散搗鼻令人

吐痰一切風症多可用之

綠升麻

從新云乃升麻之別一種繆仲醇廣筆記用治下痢每每有驗 性最竄捷治痢疾下傷 按

升麻色綠者佳非另一種也

金鐘薄荷

汪連仕草藥方云卽細葉薄荷山產者根堅硬以米醋磨數蜂刺蟻叮蜈蚣咬 葉 治跌打

損傷腹蟲牙痛煎湯咽之

王安采藥方金鐘荷葉卽薄荷 止吐血黃疸跌打諸般風氣合濟陰丸

白毛夏枯草

產丹陽縣者佳葉梗同夏枯草惟葉上有白毛今杭城西湖鳳凰山甚多 性寒味苦專清

肝火

本草綱目拾遺

卷三

草部

撫芎 土藜蘆 綠升麻 金鐘薄荷

十八

上海錦章書局石印

山牛膝 一名蘇木紅今人呼荔枝紅又名透血紅產富陽竹園內善能理瘡并刀箭入肉 活血化痰寬

筋理跌打損傷治破傷風七十二般惡疾非此不除功勝川產汪氏方

土連翹 巴山虎附 乃鬧羊花子也鬧羊花即黃杜鵑一名石棠花牛食之即瘋顛富陽北泥山白洋溪一

帶山中甚多彼土人呼為石棠花即黃色映山紅也○百草鏡云殼似連翹子類芝麻故一名山芝麻入

藥每服三分不可多服方術家麻藥中有之其根名巴山虎入藥去骨用 汪連仕草藥方土連翹即鬧羊

花子今呼為南天竺草 苦溫治風寒溼痺癱腫脹撲損疼痛疽毒疔瘡用之神效 汪連仕草藥方治

跌打損傷能活血疏風理七十二般風氣為外科聖藥 透骨丹 藥鑑治跌撲損傷深入骨髓或隱隱

疼痛或天陰則痛或年遠四肢無力此藥主之真神方也鬧羊花子一兩火酒浸炒三次童便浸二次

焙乾乳香沒藥不去油血竭各三錢為末研勻再加麝香一分同研磁瓶收貯封固每服三分壯者五

六分不必吃夜飯須睡好方服酒可盡量下服後避風有微汗出為要忌房事酸寒茶醋等物弱者間

五日一服壯者間三日一服○按吉雲旅抄有治無名腫毒疔瘡發背一醉消奇方用山芝麻三分研

極細末以好酒煎數沸帶渣服下蓋被出汗不可見風一服全消但不可用燒酒則又與藥鑑製法異

並附於此善用者擇之 將軍復戰丹 張雲野瓊記治跌打損傷以山芝麻二十兩童便浸四次燒

酒浸三次畧炒乳香沒藥各炙去油三兩血竭煨二兩為極細末火酒送下四分隨食白煮豬肉厘之

如持齋者食白腐乾服藥後切記避風 七釐散 吳興楊氏便易良方治金刃傷止痛如神用龍骨

礪砂血竭酒洗兒茶天芝麻即土連翹各五分為細末每服七釐 十全丸 萊竹堂驗方治風痺跌

撲癰疽初起一服即能消散惟虛弱人須先補而後用此攻之麝香三錢穿山甲土炒脆廣木香生研

血竭另研雄黃水飛山芝麻酒炒番木鱉黃土炒焦黃為度不可太枯篩取淨末自然銅火煨醋淬九

次研細水飛殭蠶炒去絲去頭足以上各一兩川蜈蚣去足尾二十一條酒炙為末蜜丸桐子大以磚

砂為衣金箔裹之蠟丸封固每用一丸至重者再進一丸用羌活紫蘇酒煎化服取汗避風否則發戰

傷人一方去木鱉子加風茄花五錢山芝麻亦用五錢較穩 馬前散 救生苦海治癰疽初起跌撲

內傷風痺疼痛其效如神番木鱉忌見鐵器入砂鍋內黃土拌炒焦黃為度石臼中搗磨用細篩篩去

皮毛揀淨末山芝麻去殼酒炒各五錢乳香末箬葉烘出汗五錢穿山甲黃土炒脆一兩每服一錢酒

下不可多服服後避風否則令人發戰慄不止如人虛弱每服五分 五虎丹 治風痺跌撲腫毒初

起草烏去皮薑汁拌曬隔紙炒山芝麻燒酒拌曬炒雄黃水飛血竭箬葉上烘煨穿山甲砂炒各一兩

為末丸如芥子大酒下二三不可多此方見草寶真劫劑也

巴山虎 即鬧羊花根也藥抄方名巴山虎追風定痛 神妙草頭痧藥 行篋檢祕驚不食草并子一兩南

星半夏藜蘆漏蘆牙早鬧羊花子鬧羊花根各一錢俱鹽燥磨極細末此藥專治中暑中寒中風不語牙

關緊閉急慢驚風小兒筋抽將藥吸入鼻內噴嚏來立時甦醒亦可用陰陽水調服二三分立愈 薰痔漏仙方不可刀鍼掛線及服藥丸散用開楊花根俗名老虎花像杜鵑色黃其根如鐵將此根搥碎煎湯放確內置桶中蓋上挖一孔對痔坐定燻之湯冷復熱之再燻其管竅藥氣自漸漸潰爛不堪燻半月自愈重者一月收功永不復發切不可洗 治兩腮紅腫梁氏集驗百合一個山芝麻根去皮貝母元明粉各一錢銀硃七分加白麴調敷

土茜草

一名地蘇木過山龍風車草此南方所產蒨草也葉四五瓣成一叢攢莖節而生方梗柔蔓皮糙

澀棘人指獨莖直上一二尺乃有分歧處葉如箭鏃風吹能環轉如車輪故名又名八仙草以其葉相對攢簇枝葉間生也其根黃赤色不可染又名活血丹○百草鏡云此草秋時結實小如梧桐子實後枯立夏後發苗 百草鏡性平入肝脾心經治打傷跌壓活血性善行血無瘀者禁用○葛祖方治瘋氣痛通經下胎黃疸鬼箭打痕痞蛇傷○藥鑑云功專活血治跌撲癰毒癥瘕經閉便血崩中帶下痔漏風癩鬼箭風賊脹黃疸蛇傷 疔瘡 采羅峯方過山龍仙橋草蒼耳草豨薟草紫花地丁野苳麻根六味等分酒煎服取汗須多服蟾酥丸汗出鹹者可治若味淡不可治 又方 地蘇木陰乾爲末重者八錢輕者

五錢好酒煎服如放黃者沖酒服渣罨疔上

野苳麻

採藥志天青地白草又名川綿蔥即野苳麻也 一名銀苳又名天名精生山土河壘旁立春

後生苗長一二尺葉圓而尖面青背白有麻紋結子細碎根擣之有滑涎入藥用根取鬆土者良肥白無筋按此與地菘別 性涼治諸毒活血止血功能發散止渴安胎塗小兒丹毒通蠱脹崩淋哮喘白濁滑精牙痛喉閉骨哽疝氣火丹癰毒胡蜂毒蛇咬發背疔瘡跌撲損傷○救生苦海午日取野苳麻陰乾曬燥搓熟取白絨收藏夏月遇有金刃傷者敷之即止血且不作膿○百草鏡跌撲野苳根一兩搗碎好酒煎服盡量飲醉○漆瘡紅腫合紫霞膏又爲女科聖藥痘毒以野苳麻去皮搗敷○癰疽發背對口一切無名腫毒野苳麻搗汁用無灰酒沖下渣敷患處露頭蓋被出汗即出膿水全愈 跌打閃挫方 教師白字亮傳大鯽魚一尾獨核肥阜一個胡椒七粒黃梔子九個老薑一片葱頭三個野苳麻根一段乾麴一撮香糟一團紹酒隨數用同前藥合搗如泥炒熱敷患處立愈外用布包紮緊次日青出即愈○救生苦海治神鬼箭用野苳麻川南星同搗敷 徐若甯云蛇虺咬看傷處有竅是雄蛇無竅是雌蛇以鍼挑破傷處成竅然後取野苳麻嫩頭搗汁和酒服之三蓋絞刺渣敷傷口能令毒從竅中出傷立愈將渣棄水中永不復發

鷄鳴腳艾

百草鏡葉細多歧間有鬮者雜之薑蕪如鷄鳴腳然故名搓之作艾香 治腳氣疝氣

千里光

一名九里明一名黃花草綱目附見千里及下按千里光爲外科聖藥俗諺云有人識得千里

光全家一世不生瘡綱目不載入外科用○百草鏡云此草生山土立夏後生苗一莖直上高數尺葉

類菊不對生○圖經云千里光生淺山及路旁葉似菊而長背有毛枝幹圓而青春生苗秋有黃花不結實采莖葉入眼藥名黃花演 治目不清去紅絲白障迎風流淚 百草鏡○明目去星障煎湯浴瘡瘍合膏點赤眼貼楊梅瘡狗咬以千里膏摻粉霜貼之 治蛇傷 治四塊驚掌風 王三才醫便用

千里光草一握蒼耳草一中握朝東端頭草一小握共入瓶內水煎百沸以手少擦麝香向瓶燻之仍用絹帛繫臂上勿令走風三次即愈千里光即金釵草是也 治時疫赤鼻聾耳火眼諸瘡腫毒破爛及驚掌風合千里光膏點赤眼貼楊梅瘡加狗油熬粉霜尤妙 王安采藥方

小青草 五月生苗葉短小多莖不甚高開花成簇紅色兩瓣與大青同但細小耳一名蝎蜒草一名蒼蜩翅與綱目小青條集解下引圖經生福州三月生花亦不載其形狀未免失考且王治亦別○圖事須知小青一名淡竹花此則另是一種 味苦大寒理小腸火治兒疳積赤目腫痛瘰癧傷寒熱症時行咽痛治疳積煮牛肉田雞雞肝食之 疳疔瘰癧發熱○翳障初起○百草鏡小青草五錢安盤豆腐食 雀目 百草鏡一名雞盲白晝見物將暮即昏雞肝或羊肝取一具不落水小青草五錢安盤

內加酒漿蒸熟去草吃肝二服即愈加明雄黃五分尤妙

澤半支 百草鏡葉如鼠牙半支生山澗處葉皆對節夏開黃花如瓦松 治蛇咬疔腫

狐尾草 汪連仕采藥書狐尾草花如狐尾九節而生長水澤旁名狐媚花主治吐血金瘡取根敷一切腫毒根罨洗瘡用葉

金錢草 一名遍地香佛耳草俗訛白耳草乳香藤九里香半池蓮千年冷遍地金錢其葉對生圓如錢欽兒草葉形圓二瓣對生象鏡欽生郊野溼地十月二月發苗蔓生滿地開淡紫花間一二寸則生二節節布地生根葉四圍有小缺痕皺面以葉大者力勝乾之清香者真三月採勿見火網目有積雪草即此但所引諸書主治亦小異故仍為補之至綱目所載言其治女子少腹痛有殊效其方已載綱目此不贅述 味微甘性微寒祛風治溼熱 百草鏡跌打損傷瘡疾產後驚風肚癰便毒痔漏擦鴉掌

風汁漱牙疼 葛祖方去風散毒煎湯洗一切瘡疥神效採藥志云發散頭風風邪治腦漏白濁熱淋玉莖腫痛搗汁沖生酒吃神效 按蔣儀藥鏡云佛耳草下痰定喘能去肺脹止哮喘嗽大救金寒以之列入熱部豈以其氣辛耶

白虎丹 祝氏效方解野淡菜即車前草洗淨加遍地香搗爛用白酒和汁絞出鴨毛蘸搽患處即消疥瘡 救生苦海欽兒草加鹽少許搓熟頻擦全化然後洗浴三次必愈若用煎洗反不見效 疔瘡走黃毒歸心○慈航活人書銅錢草即遍地香採葉搗爛童便煎服後再飲好菜油二三盃令吐如吐即不必服矣再加生豬腦一個同白粳子搗勻敷 張介賓本草正佛耳草味微酸性温大温肺氣止寒嗽散痰氣散風寒寒熱亦止泄瀉鋪艾捲筒用熏久嗽尤妙

望江青

一名還精草玉星草銀腳鸞鷲血見愁穀雨後發苗生澤旁湖岸方莖中空葉狹長而尖有銀齒對節小滿後抽莖開花成穗細紫層層而上寒露時枯根多鬚節間方而白極長亦空明根尤妙

王聖俞云銀腳鸞鷲葉似胡麻而小直莖可尺許長其葉對生根絕類水芹味甘而多津液採而以蜜拌蒸食治肺虛失音及久服最益人西湖諸山皆有之據此則似另一種蓋望江青根白而不長若長者乃銀腳鸞鷲也並存以俟考 李氏草秘望江青俗呼天芝麻以其葉似芝麻葉也方梗對節生葉至

春節間開紅紫花生水溝澤邊形微似諸蘭草 涼苦百草鏡性寒而味微苦入肺經吐血服之生精還力除溼熱去星障療肺癰勞力傷脫力黃同金器煎服愈驚風 治打傷撲傷最活血搗汁沖酒服渣罨

傷處一人閃足痛不能舉無苗尋其根搗汁入煎劑三服而愈同牛膝芍藥當歸獨活玉叙草活血丹七

葉草五爪龍放棒行金雀腦覆絲藤蕪草等和勻搗汁加酒服之損傷垂死但得入咽可生並治諸爛痛

瘡癬吐血亦效 目中去星翳障 百草鏡望江青一兩羊肝一具同豆腐煮食 吐血 白蜜二兩隔

湯頓熟望江青一兩煎汁沖蜜服不論遠年新起一切血症二服除根嘉慶三年子僕孫成患血症甚劇

得此方而愈但服此藥後每服須吃桂圓五筋二服吃十筋方無後患此藥服後人如醉惺惺然欲睡一

遇時自愈再得燕窩粥培元更妙 乳癰乳核 秋泉家秘祖傳天下第一奇方專治乳癰乳核腫硬大

者服之即內消用九龍川即龍見怕一兩細葉冬青即山黃楊五錢龍爪紫金鞭即馬鞭草又名龍爪草

一兩金剪刀三錢九節金絲草即望江青五錢遍地金龍草即地五爪三錢用無灰酒二盃加香櫟葉或

橘葉十餘片煎鍾半飢時隨量二三次服之渣再煎服 絕瘡 望江青乾者五錢煎酒服 子表戚張

石港生平常服望江青每日用乾者三錢北棗六枚同煎食如是三年身輕脚健終身無疾其功不下參

也

無骨芝麻

接骨草 麻衣接骨 紫接骨附 卽玉接骨一名血見愁玉錢草麒麟草玉連環葉小圓根如

水芹生溼陰處立夏時發苗逢節則粗葉尖長根蔓延色白多粗節類竹根搗之汁黏高者尺許鬆土種

之極易繁衍入藥用根百草鏡云玉龍盤一名無骨芝麻葉類芝麻而薄小背不白莖如筋色明透至

九月莖白明如水晶上有細紅點子十月萎採宜九月一名玉梗半枝蓮搗之有白漿稠滑綱目菊藿

條釋名云卽接骨草蘇恭云葉似芹寇宗奭云花白子青十月子乃紅熟有一二百子時珍云每枝五

葉按羣芳譜則花白而葉不類其根乃似水芹今人搗汁以續筋骨損折頗驗名玉接骨當是此種然

綱目無一語治折傷且所引形狀率多含混故特詳晰補之 性涼味甘淡入肺經血分治吐血腸紅

下血跌打損傷采藥志云接骨草又名玉梗金不換性溫能止血生肌行肺經之惡血引血歸經理氣

開胃大有功效

接骨草

苗如竹節出廣西粵語此草叢生高二三尺葉大如柳而厚莖有節色綠而圓花白午開自三

月至九月不絕羣芳譜四季花一名接骨草葉細花小色白自三月開至九月午開子落枝葉搗汁可治跌打損傷九月內剖根分種肇慶志接骨草出封川陽江一名四季花生園林中莖綠而圓葉長如指而尖花白跌傷骨節搗爛敷之可以接骨而本草不載李氏羊耳草又名接骨草生崖上葉如羊耳專治接骨性平治折傷續斷骨擣卷即愈 麻衣接骨 生背陰山脚下或澗旁穀雨後發

苗葉類苳麻背不白對節生節下則粗如鶴膝作紫色敏按接骨草數種俱產深山澗隴旁近地罕得人家間有種之者然麻衣接骨每不易得玉接骨性涼味甘而補能和中調血生髓益津其功不僅專治折損麻衣接骨性溫而行血惟專治折損故人多不傳其種辛亥子館臨安遊西徑山寶珠寺見山門外遍隙地皆麻衣接骨形狀儼如土牛膝而粗處作紫黯色甚脆折之從粗節處斷視之紫透中心誠為佳草不易得而山僧土人悉皆莫識故得滋育盈畦也 治跌打損傷

紫接骨 生山上與麻衣接骨相似而葉莖俱紫治跌撲勞傷損瘀 汪連仕云金寶相一名金鉢孟庵金瘡之聖藥又能散風透膿一夜即透其葉如蝴蝶花根如商陸即皺皮葱今呼麻葉接骨敏接汪所論當又是一種亦非荔支草而又不是似牛膝之一種接骨也

鳳眼草 花上細粉附 此草苗如薄荷葉微圓長五六寸穀雨後生苗立夏後枝極闊復生二小葉節節皆有至秋後二小葉中心曰色儼如鳳眼故名八九月眼中開花其花如鬚長一二寸紫黃色亦可入藥○百草鏡鳳眼草芒種後其枝極闊二小葉中心各起蕊一粒如人兩眼細碎如石胡荽子狀至小暑後色轉紅黃漸抽長如鬚此草自苗至老葉皆有淡紅暈 敏按經驗廣集治小便不通有阜角湯熏法方中用鳳眼草乃臭椿葉別名與此名同物異又荔支草亦名鳳眼草與此亦異 治一切風痺活血去風酒煎服立效 室女乾血勞 用鳳眼草連根葉鮮者一兩加紅花三錢酒煎服通經自愈

四日兩頭瘡 用鳳眼草煮紅棗飲汁自愈 俱傳信方 婦女經閉不通發熱勞症 鳳眼草為末一兩紅花炒二錢水三鍾煎一鍾入黑糖五錢空心服三五劑見血方止 醫學指南 遺精白濁 鳳眼草炒乾研末五錢沖熱黃酒服 醫學指南

花上細粉 入癖藥殺蟲定瘡

風膏藥 桂海草木志葉如冬青 粵志肇慶七星巖產風藥叢生石罅其葉圓厚和酒嚼之治風疾一曰風草一曰風菜諺云風病須風菜即此 按福甯府志風藤草一名山膏藥治風愈瘡或即此歟

治太陽頭疼目昏眩

竹葉細辛 卽樟耳草香勝細辛 治脫力虛黃 汪氏方

離情草 出雲南夷中多有鬻之者凡人為情慾錮閉往往致死得此草一莖煎服之入口即豁如夢覺斷絕絕愛亦不自知所以然也按段成式雜俎載左行草使人無情范陽以之入貢或即此類歟又有

合情草與之相反可知造物之生物必有對待如此也 已相思絕情愛如神

和合草 此即合情草也柳崖外編永昌府瀾滄江外有和合草根潔白結男女交媾狀土人見之用稻米

周遭圍之掘方可得否則遁去有夫婦不諧者服之即歡好然載諸江船輒沈溺不得渡習者用長線繫

置岸側持線登舟渡畢然後引過故滇省近邊一帶時時有之聞服之者曰男視女雖嫖母西子王嬙不

若也女視男雖醜亦潘安雖老亦健兒也 治夫婦相憎疾煎酒服

鹽蓬鹹蓬 藥性考二種皆產北直鹹地土人割之燒灰淋湯煎熬得鹽其葉似蒿圓長至秋時莖葉俱紅

燒灰煎鹽勝海水煮者 味鹹性涼清熱消積

知風草 藥性考生雷瓊蔓生無毒土人春日視其苗有一節則一次有風入藥以無節者浸酒用治一切

風痺入骨能拔之外出

鳳頭蓮 出臺灣內山形如黃連色紫多細鬚茸茸然分岐如鳳頭故名 性平治咽喉一切諸症

梨鬆果 如肥阜出臺灣 治疔瘡磨塗

蒲包草 活人書又名鬼蠟燭新語云水蠟燭草本生野塘間秋杪結實宛與蠟燭相似有詠者云風搖無

弄影煤具不燃烟以其開花結實儼似蠟燭故名蘆葦蕩中頗多土人採其實以治金刃傷止血用

治瘰癧 蒲包草連根採來洗去泥切寸段砂鍋煎湯代茶飲不論男女皆愈但婦人服此愈後終不

受孕須服北京真益母丸四五兩可解之 汪連仕采藥書蒲萼即蒲草南人呼莎草北人呼板枝花

根實為鬼蠟燭其粉即蒲黃

鬼扇草 采藥錄鬼扇草生石壁上葉面青有直紋如白果葉狀枝枝生如扇骨人若打死在地搗此草

汁灌入口即甦醒

鮎魚鬚 采藥錄鮎魚鬚草梗葉青色面起直紋葉葉有鬚二條其根如竹鞭狀 治疔瘡一切諸瘡

汪連仕云鮎魚鬚沿藤如豆葉二了內生二鬚根白而粗專治外科一切疔瘡腫毒毒之立消

紫背稀奇 采藥錄紫背生陰山著地布苗葉有兩大兩小面灰色有直紋背微紫若起心有藤一二尺

長葉尖對生 治痘毒用活草一筋作二服酒煎下已成速愈未成立消

雀麥 汪氏采藥書即雀角花此花令人獨忿花象雀腳獵人采熬藥箭呼為破關草人以其能爛痔漏

呼為破管草 性熱氣烈傷人肌膚立能潰腫須米醋炒用腐腸之品不入湯劑惟外治點痔漏用之

汪氏方

本草綱目拾遺卷四

草部中 金豆子 夜關門附 百草鏡一名金花豹子三月生苗十月枯雖豆類卻不起蔓本高一二寸分枝成

叢葉似槐而稍大處暑時開黃花五出馨口蠟梅似之結莢向上類發囊而短長只二三寸實似綠豆而扁皮有紫斑較綠豆稍大味淡 子 治疔癰如神 葉 治腫毒茅氏傳方以葉曬研醋和傳留

頭即消或酒下二三錢 按傳澹菴菴草花訣金豆子開黃花子如綠豆入滾茶味清香即草決明周憲王教荒本草有山扁豆即茫茫決明味甘滑可作酒麴俗呼獨占缸苗葉花子皆可論茹及點茶食所

載形狀亦與金豆子同而瀕湖綱目決明後附茫茫云性平無毒火炙作飲極香除痰止渴令人不睡調中隋稠禪師採作五色飲以進煬帝者是也無治疔腫之說故並存以備考

夜關門 葉如槐夜即合開黃花仁和寬橋人多種之愈曉園云有草木二種草本者良木本者乃合歡也能追風取皮治肺癰不斂熬膏貼毒生肌收口 按綱目馬蹄決明葉亦如槐晝開夜合其葉本小

末麥秋開黃色花或即係決明但綱目於決明子下亦不言疝氣今並存之 莢 治疝氣

接骨仙桃 一名奪命丹活血丹蟠桃草生田野間似體腸草結子如桃熟則微紅小如菘豆大內有蟲者佳百草鏡仙桃草近水處田塍多有之穀雨後生苗葉光長類旱蓮高尺許莖空摘斷不黑亦不香

立夏後開細白花亦類旱蓮而成穗結實如豆大如桃子中空內有小蟲在內生翅穴孔而出採時須俟實將紅蟲未出生翅時收用藥力方全蓋此藥之用全在蟲須曬焙令內蟲死若掛懸風乾恐內蟲

生翅而出藥亦無用矣按此草須芒種後採若過夏至則蟲穴孔而出化為小蚊苞空無用矣 性温味甘淡消癰腫跌打或搗汁或屑服俱效 治肝氣和胃 集聽云一名八卦仙桃此草生田野葉如

石榴葉實如桃子絕小內生小蟲者真取實連蟲用○一方專治肝氣胃氣小腸疝症用仙桃草有蟲者金橘核福橘核葶苈各等分為末砂糖調丸菜豆大每晚服一錢許至重者二服斷根 治勞損

虛怯 百草鏡云取有蟲仙桃草用童便製透入補藥用 治吐血 百草鏡云用新鮮接骨仙桃草搗汁加入乳和服按吐血諸方皆用涼血之劑惟此藥性熱加入乳能引血歸經故妙 跌撲損傷

救生苦海用地蘇木五錢八角金盤根一錢接骨仙桃草五錢臭梧桐花三錢煎酒服

七葉黃荆 一名豬臥草地五瓜珠子草烏食草烏蛇草七絃琴亦名七葉黃荆藤生土牆腳下陰地葉尖長相對三四行成一瓣莖上起稜一凹間紫色白露後抽心高三五尺開細白花成簇結子亦細碎

霜後紅如珊瑚細珠根長而白入藥○百草鏡云此種有木本者名撻撻活治跌撲癰腫 味甘生服能令人吐 治勞力傷跌打魚口漆瘡煎湯洗 治便毒 搗汁將肥阜一個煨存性調酒服渣傳患

處罨之 治跌撲損傷閃腰挫氣痛 集聽云此秘方也用烏蛇草曬乾為末砂糖酒調服最凶者加童便須端午日午時收者更效若急用不拘時日取鮮者搗爛服發汗愈此草有五名一曰烏蛇草一曰烏龍草一曰豬臥草一曰七葉黃荆因其葉七片一枝或五片大者九片其根名千秋藤九十月間頂上結紅子曬乾吞之可治疝氣 汪連仕草藥方七葉黃荆俗呼撻撻活又名放棍行又名冊脚配

與烏蛇草別 行血敗毒洗一切瘡疥鬼箭風

山黃荆

玉環志葉似楓而有杈結黑子如胡椒而尖可屑粉糞食又有水荆似藜結黑子不可食翦其枝可以接梨入藥用山荆 消食下氣 退管方 黃荆條所結之子炙燥為末五錢一服黑糖拌空心陳酒送服專治痔漏之管服至管自退出 九竅出血 救生苦海黃荆有二種赤者為梛青者為荆其木心方其枝對出一枝五葉或七葉葉如榆葉長而尖作鋸齒五月時開花紅紫色成穗子如胡荽子大有白膜皮包裹用其葉搗汁酒和服二合立止 骨蒸勞熱 養素圍驗方六月雪黃荆子稀莖草何首烏當歸川芎熟地白茯苓水二鍾薑三片煎八分服有痰加半夏 漆瘡 姚希周經驗方烏蛇草不論鮮乾一握煎湯一洗即愈 傷寒發熱而呃逆者 回春用黃荆子不拘多少炒水煎服立止 杖瘡起疔甲 黃荆子焙乾為末搽上即開不用刀刮 肝胃痛 周山人方用黃荆子研末和粉作團食一二次斷根 腳蛙 周氏方用黃荆嫩葉搗爛罨上即愈

救命王金不換

一名死裏逃生 治小兒感冒風寒欬嗽大人傷力損傷吐血諸風疼痛無名腫毒 亦名救命王似羊蹄根而葉圓短本不甚高此草出於西極傳入中土人家種之治病故山澤中不產立春後生夏至後枯用根綱目三七亦名金不換與此別又木本亦有金不換 汪連仕草藥方金不換大葉者為金鉢孟大接骨草細葉者小接骨草吐血頗效因呼為吐血草軍中箭傷罨之效即呼箭頭草 性平破瘀生新治跌打消癰腫止血愈疥癬和糖醋搗擦 截蟲傷用葉搗塗 治肺癰 葉能伸臂力開硬弓臂痛或力弱不能弓者取其葉揉軟覆膊上以帛束之過夜痛者即定疼且全力俱攝入臂上開弓更不費力營伍需為要藥 腫毒初起 百草鏡金不換草根葉不拘搗碎五錢陳酒煎服 肺癰 百草鏡金不換草取根一兩或葉七瓣搗汁酒煎服三次愈不論口臭吐穢物者皆效 風痛 楊氏驗方金不換錢半小活血積殼蘇葉當歸各三錢烏藥川芎各二錢花粉五錢老酒一斤煎熱服 跌打疼痛風氣 慈航活人書救命王即金不換葉如冬菜葉春夏用葉冬用根搗汁沖酒服渣加毛腳蟹搗爛傳如風氣只用渣傳 汪連仕方行血破血合地蘇木落得打共酒服

黃麻葉

醫方集聽云此治諸血之聖藥一名牛泥茨一名三珠草一名天紫蘇三月生苗如麻葉有微毛取葉嚼之味如苦蘿久嚼微辛大葉旁兩小葉如杏葉至八九月每葉生子三粒狀如粟米子內一粒如菜子嫩時青色老即黑色取子入藥治欬傷肺開花細紫紅色自五月起至十月止處處有之治血症集驗取葉同虎杖龍芽用 血崩集驗用黃麻葉連根搗爛酒煎露一宿次早服之 氣症心

六月霜

丁未余館奉化邑人暑月俱以此代茶云消食運脾性寒解暑如神五月內山村人率刈乾束縛挑入城市售賣予以百錢買得一束如乾薄荷狀而長大倍之莖上綴白珠成穗土人云子能下氣

寒肚痛痢疾痞結

子 治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

子

治欬傷肺 汪連仕云大麻子即黃麻子性熱行血醫人合麻藥共風茄用

消食更甚於枝葉偶得病悶不快因取一枝沖湯代茶飲次日即健啖異常所言信不妄也○三才藻異一名六月冷即曲節草也性寒故名花似薄荷葉似劉寄奴名蛇藍 解暑消積滯小兒暑月泡茶食之佳 性苦寒亦厚腸胃止痢開膈食之令人善啖凡傷寒時疫取一莖帶子者煎服之能起死回生屢試皆效又善解毒洗瘡疥皆愈 按綱目曲節草一名六月霜瀕湖所引圖經云甘平無毒治發背消癰拔毒同甘草作末米汁調服而他治有殊功並未言及今仍補之

山海螺 生山溪澗濱濕地上葉五瓣附莖而生根如狼毒皮有縐旋紋與海螺相似而生於山故名雖生溪畔性卻喜燥枝葉繁弱可以入盆玩○百草鏡云生山土二月採絕似狼毒惟皮疙痞搗破有白漿為異其葉四瓣枝梗蔓延秋後結子如算盤珠旁有四葉承之 治腫毒瘰癧取汁和酒服渣傳患處 汪連仕云苗蔓生根如蘿蔔味多臭治楊梅惡瘡神效○王安采藥方山海螺一名白河車加紫

河車紅白石膏名四聖散治腸癰便毒臟毒乳癰疽皆效

水楊柳 張致種痘新書云水楊柳乃草本生溪澗水旁葉如柳其莖春時青至夏末秋初則赤矣條條直上不分枝極至秋略含赤花凡痘焦紫乾枯者以此洗之立見光亮漿水即行其效如神已洗之後若往視之則已洗未洗之處其明潤焦暗形色判然取水行漿之效孰有速於此者但須用巾蘸其藥水頻頻與拭必水足而後已也若秋冬葉落取根用之○瀕湖綱目木部有水楊亦主痘毒引魏直博

愛心鑑浴痘法但所載形狀與此全別惟於集解下註有赤楊與張致所說不甚相遠而又無主治故為補之 性微寒味 涼血解毒痘瘡焦黑浴之立起 治跌打損傷痲瘋瘰癧瘰癧暑鬱惡毒 治痘

水楊柳湯 張致治痘紅紫乾燥不起漿有水楊柳湯云古方所載是木細葉紅梗枝上有圓果果有白鬚散出此等俗呼水楊梅以其果似楊梅也余未試用余常用者乃是草生水邊葉如柳葉其梗至秋則紅赤無果結此草冬用枝梗及根春夏秋用枝葉凡痘紅紫乾枯不起水者內服活血解毒之劑外用此煎水拭頭面連拭數次立見光潤即具行漿之勢所未洗者其色不變 手足拘攣 費建中

救偏瑣言用草本水楊柳酒煎服甚驗 痔漏洗方 傳信方水楊柳根煎湯洗侯蟲出愈勝脫落下

劉羽儀驗方此名茄病其色或紫者可治白者不可治黃連一錢狗脊水楊柳根五倍子魚腥草四味多寫不拘枯礬錢許共為末煎湯先熏後洗乘熱時輕輕托進睡臥一二日即愈再服調理藥 毛

世洪經驗集撻撻活即水楊柳其根可治楊梅結毒

小將軍 一名研星草散血丹生陰溼地立春後有苗葉類狗卵草略大莖微紅穀雨後開花細小細子

二粒如荷包草子○百草鏡二月發苗葉如雙珠草節間生子如鴉不食草子而略大三月採五月枯

葛祖方治黃疸脚氣丹毒遊風吐血效血 百草鏡治跌撲刀傷癰腫痰中帶血洗疥瘡 採藥志性

溫敗毒治杖傷跌打損傷擗汁酒和服渣電患處立刻消腫而愈 余居士選要方治跌撲用五靈脂

三錢麝香錢半小將軍草三兩鮮者取汁先將酒煎上二味待好去渣再入藥汁滾一二沸取服
備盪平言此草治疔腫如神不論疔生何處及何種疔皆可用此痔極爛傳瘡口留頭次日即乾緊肉上
洗去再傳至重者傳二次即愈輕者一塗即好真救疔垂死之聖藥也親試神驗

九鼎連環草

一名九葉雲頭艾三月生苗係子出高二三尺葉似艾菊香亦近之霜後枯產口外五臺
山二處近有人帶種各處可植入九月間起穗結蕊類野菊蕊但不開花結實其實如野菊花心○百
草鏡春月發苗葉類艾菊香亦近之八月時無花而實實先起疙瘩逐漸長大內包十餘子子細長小
葉乾之甚香黃梅時須不時焙曬否則易微微則無用性溫通行氣血治風痺有效 風痺 百草鏡
用九鼎連環草乾者二兩核桃肉三兩搗爛當歸一兩五錢黃酒浸隔水煮用

牛筋草

一名千金草夏初發苗多生階砌道左葉似韭而柔六七月起莖高尺許開花三叉其莖弱韌
拔之不易斷最難及除故有牛筋之名 根入藥治脫力黃勞力傷治瘵取此草連根淨去泥烏骨雌
雞腹內蒸熟去草食雞良○百草鏡行血長力入肝經 按湖州府志南天燭亦名牛筋草又名烏飯

草與此名同物異

翠羽草

一名翠雲草孔雀花神錦花鶴翎草鳳尾草其草獨莖成瓣細葉攢簇葉上有翠斑○花鏡翠
雲草無直梗宜倒懸及平鋪在地因其葉青綠蒼翠重重碎感儼若翠鈿雲翹故名但有色而無花香
非芸也其根遇土即生見日則萎性最喜陰溼粵志孔雀花可以辟暑 汪連仕采藥書翠雲草一名

翠翎草即矮脚鳳毛治痔漏同胡桃葉煎洗汪連仕方 治吐血神效 百草鏡女子吐血翠雲草三
錢水煎服 嘉慶癸亥子寓西溪吳氏家次子年十五忽腹背患起紅瘰蔓延及腰如帶或云蛇纏瘡

或云丹毒乃風火所結血凝滯而成子疑其入山樵採染蟲毒乃以膽酥犀黃錠塗之不效二三日瘰
愈大作膿復與以如意金黃散傳之亦不效次日瘡旁復起紅暈更爲濶大有老嫗教以用開屏鳳毛

即翠雲草也搗汁塗上一夕立消此草解火毒如此又不特治血神效也

半嬌紅

一名老鸛紅水雞冠立夏後生苗一莖直上莖紅葉尖長而狹八月結實六角五月采 治風
痺跌撲養羊肝食退目中紅障

普賢線

山川典產峨嵋山乃樹上苔鬚蔓引而成長數尺或言深谷有尋丈者湖湘故事載羅漢條卽
此唐駕湖曰普賢線產峨嵋山乃普賢石上青苔也山僧採取曬乾以爲上藥○益部方物記仙人綰

生大山中與苔同種但巖陰石隈多鮮翠長二三尺叢垂若綰○敏按酉陽雜俎仙人條出衡岳無根
蒂生石上狀如同心帶三股色綠亦不常有條卽綰也此生石上者方入藥無疑 治胃腕心氣疼痛

煎服瀕死者皆效

藏紅花土紅花

出西藏形如菊乾之可治諸痞試驗之法將一朶入滾水內色如血又入色亦然可沖

四次者真綱目有番紅花又大薊曰野紅花皆與此別 治各種痞結 每服一朶沖湯下忌食油葷
鹽宜食淡粥 治吐血 王士瑤云不論虛實何經所吐之血只須用藏紅花將無灰酒一盞花一朶
入酒內隔湯頓出汁服之入口血即止屢試皆效

土紅花 福建續志土紅花大者高七八尺葉如枇杷而小無毛秋生白花如粟米粒生福州及南恩州
山野中福州生者作細藤似芙蓉上青下白根如葛頭入藥薄切用米泔浸一宿更用清水浸一宿搗
服

阿勃參 程賦統會云產拂秣國 華夷花木考阿勃參出拂秣國長一丈餘皮色青白葉細兩兩相對
花似蔓菁正黃子似胡椒赤色斫其枝汁如油其油極貴價重千金 油塗疥癬即愈
茄連 延綏鎮志葉如藍草而肥厚種之畦陸根圓大類葵露出土外開黃花京師謂之嫩藍 能解燥
毒

靈通草 楚庭稗珠僧建公之徒系悟患聾達公謂得羅浮靈通草始瘳參悟來博館入山於玉女峯得
此草莖長三尺如箸而莖虛中兩頭皆實頂開七葉取葉煎水服截其虛者貫兩耳中夜一聲若雷聾
遂開 治聾

羅裙帶 職方典出廣西南甯府葉滑嫩長二寸許似帶 治折傷損手足者取葉火煨微熱貼之即愈
金狗脊 職方典出粵南甯府即蕨根形如狗脊毛如狗毛有黃黑之別 止諸瘡血出治頑癬黑色者
殺蟲更效

雪裏開 雪裏花 雁山志性大寒深谷中有之能解砒毒冬時開花故名 治喉瘡熱毒萬氏家抄取根
搗汁服

雪裏花 朱楚良在鎮海其土人有采雪裏花者冬月嚴寒此花始生在招寶山龍潭旁環渚而發苗甚
短小如六月雪狀高不過二寸許每雪時開白花如豆大土人采得乾之入藥 傳痔以雪裏花爲末
溼者乾摻乾者麻油調搽一二度其痔即消縮

苦草 綱目水草類載苦草云生湖澤中長二三尺狀如茅蒲之類主治白帶又主好嗜乾茶面黃二種
病其氣味藥性又失載今依張璐玉本經逢原補之苦溫無毒香竄入足厥陰肝經理氣中之血產後
煎服能逐惡露但味苦伐胃氣竄傷腦膏梁柔脆者服之減食作瀉過服則晚年多患頭風昔人畏多
產育以苗子三錢經行後麴淋酒服則不受妊傷血之性可知

山馬蘭 既江志別名一枝香按綱目馬蘭下集解註云又有山蘭生山側似劉寄奴葉無柅不對生花
心微黃赤大補血而不言其有治痰開塞之功○百草鏡山馬蘭治疔極效故又名疔見怕其蔓延到
處節上生根故又名鬼仙橋皆俗見隨義而呼也 治風痰喉閉驚風傳疔定痛搗汁塗小兒蛇癩煎

處節上生根故又名鬼仙橋皆俗見隨義而呼也 治風痰喉閉驚風傳疔定痛搗汁塗小兒蛇癩煎

湯洗淨腫疥癩百草鏡 風痰喉閉 〔永嘉縣志〕山馬蘭取根搗碎用人乳浸男病用婦女乳女

病用哺男婦人乳浸少頃令病人仰臥椀上將頭倒垂將乳汁男左女右滴入鼻中候喉中有痰涎壅

塞即轉身垂頭開口任痰自流痰完病愈但此藥入鼻後病人不許有聲 作痰即止 小兒驚風牙

關緊閉煎汁灌入喉中即愈 鎖喉風頭面頸項俱腫飲食不下 傳信方白馬蘭搗爛井花水取濃

汁白酒漿均調下喉立效 小兒頸項腿肋縫中潰爛 養生經驗方以馬蘭汁調六一散搽之即愈

○馬蘭搗為膏能治大人兩腿赤腫流火或溼熱伏於經絡皮面上不紅不腫其疼異常病人只叫腿

熱他人按之極冷此謂伏氣之病用此膏搽之立愈 流注 顧錦州傳方采山馬蘭煮熟麻油醬油

作蔬伴食半月自消

野馬蘭 〔百草鏡〕云馬蘭氣香可作蔬此種係野生者其氣臭不可食三月發苗莖赤而初秋開白花成

簇細碎三月采因其功能涼血與馬蘭同故名莖葉根俱入藥 性寒涼血治溼熱蛇咬小兒癩瘡

獨腳馬蘭 〔季氏草秘〕此草生河澤邊葉如柳對葉圓梗 治發背諸腫毒熱癰搗汁一杯入酒二杯服

之未成膿者即消有膿者即出重極者服半盃或一盃再劑渣罨

玉淨瓶 俗名豬屎草氣殺郎中白山桃春月發苗葉尖長排生莖有白紋斑點高數尺葉對節生夏開

細白花成簇如華蓋結實如茱萸子大青圓霜降後紅其根肥白十月采入藥 味甘性平和血行血

有艾治勞傷跌撲 〔汪連仕草藥方〕氣殺郎中草一名青青仙禽又名斤見怕山人呼疔頭草其性清

涼降火消癰毒散腫拔疔根

紗帽翅 〔臺海采風圖〕此草一莖數十花色黃入藥用葉 治癩

石風丹 生石上能療瘡毒出雲南蒙化府

象鼻草 〔職方考〕出雲南府 治丹毒跌撲損傷

透骨草 〔珍異藥品〕云形如牛膝綱目有名未用下附透骨草亦未詳其形狀據其所引治病諸用乃鳳

仙草也蓋鳳仙亦有透骨草之名與此迥別

療熱毒良 珍異藥品 治風氣疼痛不拘遠年近日 家賣方透骨草二兩穿山甲二兩防風二兩當歸

三兩白茯苓四兩白芍三兩豨薟四兩去莖用葉九蒸九曬海風藤二兩生地四兩廣皮一兩甘草一

兩以上為末用豬板油一斤煉蜜為丸梧子大早晚各五錢酒下腿疼難忍 〔醫學指南〕核桃肉四個

酸薄荷七個斑蝥一個鐵線透骨草三錢水煎熱服出汗愈不問風溼皆效 治瘡 〔醫學指南〕透骨

草一味貼患處一炷香或半炷香時即揭去皮上起泡即愈 洗癩換秘方 〔醫學指南〕紫花地丁一斤用

黃川椒透骨草防風大鹽各四兩白花蛇二錢艾一把槐枝一條川烏草烏各二兩紫花地丁一斤用

水二桶煎大缸半埋在地入水溫時坐上洗再用水二桶煎渣候冷時再入熱水或一日或一夜曬出

時用水澆頂心數次再用芥末稀貼患處紙絹裹熱坑上睡汗出盡爲度忌早起飲食就臥內妙
汪連仕采藥書透骨草彷彿馬鞭之形大能軟堅取汁浸龜板能化爲水合金瘡入骨補髓兼治難產專
主煉膏丹按鳳仙白花者亦名透骨白追風散氣紅花者名透骨紅破血墮胎亦有透骨之名非一物
也

不死草 [珍異藥品] 出柳州高一二尺狀如茅 食之延年暑時置盤中食物不腐并可辟蠅

拳黃雞子 [珍異藥品] 一名水蘿蔔 治霍亂吐瀉瘧疾每用一錢嚼碎水飲下

雞腳草 汪連仕采藥書卽雞爪花其子名勝光子 去星醫明目清肝 根 行血治風治大麻瘋鶴

麻瘋雞爪風

刀鎗草 粵西叢載此草細葉黃花 止金瘡血

苦地膽 出粵西 葉可貼熱毒瘡

箭頭風 粵西叢載花似箭頭 職方典產廣西南寧府山中花如箭簇 治風四肢骨節痛煎水薰洗

之愈 消痰治氣急定喘妙方 王登南方取箭風草放鮮肉內煨熟要淡忌用鹽醬取出去草食肉

紅果草 叢載云有二種果大者葉略尖不入藥用又有果如小指頭頂者葉圓邊花梗有軟刺入藥用

治牙痛酒刺 龍柏藥性考紅果草出廣西葉圓刺弱味辛煎湯漱牙疼

勾金皮 珍異藥品云形未詳 治無名腫毒惡毒醋磨塗上卽消牙疼以皮塞牙縫中卽定咽喉乳蛾

每用三五釐細嚼嚥下

琉璃草 出始興玲瓏巖莖如芹梗與葶慶風藥相類食之治風

仙人煉 一名涼粉草出廣中莖葉秀麗香猶藿檀以汁和米粉食之止飢山人種之連畝當暑售之○

職方典仙人草莖葉秀麗香似檀藿夏取其汁和羹其堅成冰出惠州府 療飢澤顏

金絲草 出陝西慶陽 性涼味苦能去瘡解諸藥之毒

紅珠大鋸草 治破脹黃疸 王安卿采藥志大鋸草敗毒消腫清火

金剛草 治肺癰痔漏疔腫

臺七里 臺灣志卽七里香出臺地者能辟烟瘴所種之地蚊蚋不生 辟瘴焚其烟化蚊蚋爲水

番薏茹 采風圖一名番苦芥一名心痛草種出荷蘭葉秀嫩似雲板曬乾則香結子青紅色 治一切

心氣痛

馬尾絲 臺志略此草葉細而長花紅而小根如荔子核黃色多細絲如髮不拘鮮乾皆可用 治蛇蜂

諸毒

方正草 福建續志出禾春州葉狹而長藍色平分四方贊莖而上其實六瓣

治金龜蟲

七仙草 三才藻異葉尖細長 治杖瘡

大母藥 四川通志出雪山石塊上有雌雄二種出必雙出補元氣益髓脈功同人藻

藍布裙 四川通志草木出松潘衛 治腳氣壯筋骨

露筋草 藻異生施州高三尺春苗即花子碧色不彫 治蜘蛛傷瘡

百里奚草 藻異名殺羊齒產陰地如秋海棠 味酸治牙疼

黃德祖 藻異德祖即石公號此草生圯上故名葉如尖刀獨梗芋花紅白頭如何首烏 治瘡癬

斑節相思 諸羅志枝葉類薄荷而大味似艾 性能解毒

野丈人 藻異葉似芍藥花類木槿白毛寸餘披下如白頭翁 去腸垢消積滯

戴文玉 藻異戴文玉草名如金釵草黃色 療血疾

金果欖 出廣中百草鏡云出廣西性寒皮有疙瘩味苦色黃陳廷慶云內肉白者良但有二種一種

味甚苦一種味微苦入藥以味苦者良 性涼解毒百草鏡云凡腫毒初起好醋磨傳露出患頭初

起者消已成者潰咽喉一切症煎服一二錢即效如喉中疼爛用三錢為末加冰片一分吹之 藥

性考金桔欖產廣西生於藤根堅實而重大者良藤亦可用作苦性大寒解毒咽喉急痺口爛目痛

耳脹熱嗽嵐瘴吐衄俱可磨服疽癰發背瘡赤疔癩蛇蠍蟲傷俱可磨塗柑園小識金苦欖種出交

趾近產於廣西蒼梧藤邑蔓生土中結實如橄欖皮似白朮剖之色微黃味苦土人每鑿山穿石或

深丈許取之先君嘗覓得二十枚愈數百人而疔喉等症有起死回生之功當廣傳之以補本草之

缺 性寒味苦能祛內外結熱遍身惡毒消瘴癘雙單蛾及齒痛切薄片含之極神效磨塗疔瘡腫

毒立消柑園小識

雁來紅 一名老少年無有用入藥者惟急救方有治腦漏法用老少年煎湯熱薰鼻內然後將湯服

二三口大妙冬間用根 瀕湖綱目青箱下附雁來紅亦無主治土宿真君本草雁來紅制汞 膏

子眼藥去遠年星障○眼科要覽老少年銀杏剖殼為君官渣根大葉者佳千里光雄楊梅樹根皮

為臣煎成濃膏量加製甘石冰片又方加茶樹根皮 花鏡老少年其苗初出似莧莖葉穗子與雞

冠無異至深秋本高六七尺則腳葉深紫而頂葉大紅鮮麗可愛愈久愈妍如花秋色之最佳者又

有一種少年老則頂黃紅而腳葉綠為別一種枝頭亂葉叢生有紅紫黃綠相兼雜出者名十樣錦

一種根下葉綠頂上葉純黃者名雁來黃

天燈籠草 一名山胡椒形似粹茄而葉大本高尺許開花白色結子如荔枝枝外空內有緣子經霜乃

紅京師呼為紅姑娘○按此草主治雖夥惟咽喉是其專治 用之功最捷綱目主治下失載故補

本草 七仙草 至辟瘟草

上海錦章書局石印

二五

上海錦章書局石印

之 性寒治咽喉腫如神 汪連仕采藥書金燈籠園人稱為天燈籠種益為景更稱為珊瑚架
性能清火消鬱結治疔神效傳一切瘡腫專治鎖鑿喉風治金瘡腫毒止血崩酒煎服 又以反手
取根七株去梗葉洗淨連鬚切碎酒二盃煮鴨蛋二枚同酒吃治瘡如神 子 入藥保毒不大王
安采藥方

見腫消 一名土三七乳香草越人曰爛草初生苗葉面青背紫葉似羊角菜多歧秋開小黃花如菊
垂絲可愛根似芋魁人家多種之○按綱目有見腫消云其葉似桑治癰腫狗咬當別是一種○採
藥錄見腫消生溪澗中葉有三角枝梗皆青根亦青色形如菖蒲根性涼治諸瘡毒行周身活血追
風散氣此又一種名同物異 草寶云治跌打損傷消腫散瘀要藥 百草鏡云治乳癰腫毒金瘡
止血杖丹棒瘡喉癰雙蛾嗽急慢驚風 延緣堂方土三七春夏用葉秋冬用根搗汁一鍾用水
酒漿和勻灌入自效 楊刺毛入肉作痛 秘方集驗土三七亦名金不換用其葉搗爛立塗即止

千年老鼠屎 紫背天葵根也百草鏡云二月發苗葉如三角酸向陰者紫背為佳其根如鼠屎外黑
內白三月開花細白結角亦細四月枯按東璧綱目菟葵下注云即紫背天葵於主治只言其苗不
及其根之用今為補之 出金華諸暨深山石罅間者根大而佳春生夏枯秋冬平有 性涼清熱治
癰疽腫毒疔瘡癰疽跌撲瘋犬傷七種疔氣疔瘡勞傷 百草鏡 癰疽傳藥 醫宗彙編用紫背天
葵子每歲用一粒同鯽魚搗爛傅之立消 瘰癧 救生苦海用千年老鼠屎搗碎同好酒入瓶煮

一炷香隔三日隨意飲醉蓋被取汗數次自效○黃賓江傳天葵丸專治癰癧紫背天葵一兩五錢
海藻海帶昆布貝母桔梗各一兩海螵蛸五錢共為細末酒糊丸如梧桐子大每服七十九丸食後溫
酒下此方用桔梗開提諸氣貝母消毒化痰海藻昆布以軟堅核治癰癧之聖藥也 諸疔初起
經驗集凡疔初起必發寒熱疼痛欲成囊癰者用荔枝核十四枚小茴香二錢紫背天葵四兩蒸白
酒二盞頻服即愈

辟瘟草 魚鼈金星 鳳尾金星 一名獨腳金雞又名鴨腳金星佩帶之可辟疫氣近見市者有小葉
而短狹大葉而長狹者皆非辟瘟草也小者名七星草俗呼骨牌草惟無五六蓋五六乃天地之中
不易結奇生石樹間大者名劍脊金星長一二尺生山溪澗旁老則葉背皆起星此二種東璧綱目

已收載辟瘟草葉如鴨腳有三歧一莖一葉氣味清香老則有星香氣亦減○百草鏡云鴨腳金星
即辟瘟草葉如鴨腳大而薄背生星點至八九月間星老乃黃乾之其氣香冽不變若葉太老及經
水者便不香端午采嫩者陰乾用勿見火 性平味苦氣香治傷寒瘧疾瘧疾風氣腫毒時氣惡氣散邪

風乳癰熱瘡小兒痘眼疔喉閉生蛾同金鎖匙汁醋漱痧脹香竄疎經絡治疔 百草鏡治痧脹用
鴨腳金星草曬乾為末取少許啗鼻中或煎服亦可 小泉驗方疔腫用鴨腳金星草煎酒一服即

魚鼈金星 生背陰山石上立夏後發苗根細如織線蔓延石上葉不對節一長一圓長者為魚圓者為鼈魚葉經霜則老背起金星惟鼈葉無亦生西湖飛來峯絕頂 治賊瘰癧癰火毒症 採藥志云性涼治疾火毒行上部采藥方消痞塊痰核癰腫 永師方治烟筒戳傷喉用魚鼈金星草煎濃湯咽喉中傷立止痰而愈永師方一作永甯傳方

鳳尾金星 根類竹根黃色有鬚葉類建蕙而短長不滿尺春月發苗背有點子兩行相對有數十粒極密秋霜後乃黃生石山下其根蔓生○百草鏡金星鳳尾其葉細碎形似鳳尾三月發苗葉背有星作細白點子秋後乃黃生古牆石壘中背日者佳惟實熱症可用 性涼治吐血咽喉火毒諸丹毒發背癰癩 百草鏡癰疽非陽毒及非金石藥毒者戒用謝雲溪云性太涼男女忌服雖取效一時但精血受寒不能生育為虞耳○甯德縣志白脚者治病○家寶方治喉癰金星鳳尾草搗汁加米醋數匙和勻用竹筍裹新棉花蘸汁點患處稠痰隨釘而出亦治喉風

水茸角 華陀中藏經狀如鬼腰帶竹小窠子生三四月開黃花葉如百合六七月採兩浙呼為合萌治吹爛 水茸角不拘多少新瓦上煨乾為末臨臥酒調服二錢次日即愈已破者略出黃水亦效

老鴉蒜 一名銀鎖匙一名石蒜一枝箭百草鏡云石蒜春初發苗葉似蒜又與山芡菰葉相似背有劍脊四散布地七月苗枯中心抽莖如箭幹高尺許莖端開花四五成簇六出紅如山丹根如蒜色紫赤肉白有小毒理喉科綱目主治失載○金士彩云此吐藥也且令人瀉 治喉風痰核白火丹肺癰煎酒服 對口初起 家寶方用老鴉蒜搗爛隔紙貼之乾則頻換其毒自消 雙單蛾 神醫十全鏡

老鴉蒜搗汁生白酒調服嘔吐而愈 洗痔漏 沈惠如傳方老鴉蒜鬼蓮蓬搗碎不拘多少好酒煎置瓶內先熏待半日湯溫傾出洗之三次全愈 痰火氣急 王都官方蟬螂花根即老鴉蒜洗焙乾為末糖調酒下一錢

玉如意 四方如意草 一名箭頭草剪刀草大風草百草鏡云生山間或田塍有紫白二種紫花者名金剪刀白花者名銀剪刀入藥白花者良葉與人家益栽者無異但花小葉狹長而尖微有別耳○敏按山野閒如意草葉上尖下圓深青色與人家所種無異惟葉色稍深綠耳其花亦有紫白二種至狹長之葉者乃地丁草所謂銀剪刀白花者是也金剪刀紫花者是也與如意草一類二種其性情功效亦不甚遠 葛祖方治痞塊瘡毒追風理氣逐疫肺癰 乳癰初起 百草鏡用玉如意草一兩白酒煎飽肚時服初起者二服即消成膿者兩劑必潰已潰者三服易斂疼痛者服之能止 乳癰疔瘡 救

生苦海白花如意草一名銀剪刀生田野山間較人家種者葉狹花小搗汁服之渣傳患處 兒背生泡 集驗小兒背上起白泡藥如綴珠一二日即破膿血外流癢甚一處方好一處又起用如意草搗

本

草

綱目合遺 卷四 草部 魚鼈金星 至青烟白鶴草 上海錦章書局印

爛傳之長巾縛定一夜而愈 腳上生瘡 集驗治脚上生瘡亂孔如蜂窩者用如意草搗爛傳之或用乾如意草爲末雞子清調傳亦可 按此種又與地丁草不同地丁小而此種大地丁葉深綠此葉淺綠有云家種如意草亦有白花者乃眞玉如意野生者仍是銀翦刀耳性劣不若家種者良 痘兒氣急 劉氏驗方白花地丁不拘多少煎湯服之立止 炎天火痘 劉氏驗方暑月出痘有一種火痘遍身皆紅者是也用白花地丁搗汁白酒沖服立解

四方如意草 汪連仕草藥方其葉四處分開一名地靈芝乃瑞草四方開花莖多葉繁如如意 治神

鬼二箭活血追風

水楊梅 一名金勾葉家母利藤勾子此草結紅子如楊梅小兒采食之糲目有水楊梅云其實類椒乃地椒是別一種 葉點牙疼取葉搗汁點眼角飲香茶一鍾閉目少頃牙疼卽止

野靛青 一名鴨青處處有之如莧菜葉尖中心有青暈 治結熱黃疸疔疔疔毒疼痛生肌長肉

困來草 劉羽儀經驗方此草又名水灌頭子如桑子但桑子長而此子圓又如茶紙子但茶紙子紅而此子綠又不可不辨 治黃疸 用困來草石芫荽卽驚兒不食草二味洗淨搗汁沖陳酒一大鍾服

之四五次自愈

走馬胎 出粵東龍門縣南困山中屬廟子角巡司所轄山大數百里多低槽深峻巖穴皆藏虎豹藥產虎穴形如柴根乾者內白嗅之清香研之膩細如粉噴座幽香頗甜淨襲人 研粉傅癰疽長肌化毒

收口如神

蒼耳子油 物理小識出山東 治瘋

飛鸞草 秋景齋雜記飛鸞草生錢塘葛嶺後山金鼓洞洞在道士庖福之右涉泉入洞暗處仰見一線天光光中見有此草形如飛鸞有頭有翅有三尾雪中開五色花中抽一莖直上着花葉狀如金絲荷

葉草面綠而背銀紅色光者可治病有黑毛而不開花者乃斷腸草能殺人不可誤采也故須雪中見花者爲眞根如老薑入藥用葉 性上升味苦寒治咽喉及口內諸病取葉七片滾水沖服立愈此草

味雖苦寒性反不下降而獨上升見物卽沾竄烈可知以此草沖於水中用指蘸之則苦寒全在指上其水卽淡若沾唇則味在唇上水雖咽下而味不入喉也故治咽喉者須以小管灌於喉中或令病人

張大口用匙灌入直達喉所則味在患處矣金鼓洞左近背陰地亦有之

青烟白鶴草 汪連仕云草生海島其性最行氣味甚猛烈色綠如翠能入氣分血分消積氣散鬱血續

筋骨土人以煎膏療病治內外一切症其汁卽阿魏近日方士於後營打枝巷葉家園取樹脂僞充射

利又有以秦皮代充者眞者亦稀見矣

本草綱目拾遺卷五

浙貝土貝

今名象貝去心炒 百草鏡云浙貝出象山俗呼象貝母皮糙味苦獨顆無瓣頂圓心斜入

藥選圓白而小者佳○葉開齋云甯波象山所出貝母亦分兩瓣味苦而不甜其頂平而不尖不能如川貝之象荷花蕊也土人於象貝中揀出一二與川貝形似者以水浸去苦味曬乾充川貝賣但川貝

與象貝性各不同象貝若寒解毒利痰開宣肺氣凡肺家挾風火有痰者宜此川貝味甘而補肺矣不若用象貝治風火痰嗽為佳若虛寒咳嗽以川貝為宜 張景岳云味大苦性寒陰也降也乃手太陰

少陽足陽明厥陰之藥大治肺癰肺痿欬喘吐血衄血最降痰氣善開鬱結止疼痛消脹滿清肝火明耳目除時氣煩熱黃疸淋閉便血瀉血解熱毒殺諸蟲及療喉痹瘰癧乳癰發背一切癰瘍腫毒溼熱

惡瘡痔漏金瘡出血火瘡疼痛為末可敷煎湯可服性味俱厚較之川貝母清降之功不啻數倍反烏頭又解上焦肺胃之火 張石頑本經逢原云貝母浙產者治疔痕喉痹乳癰金瘡風癩一切癰瘍同

苦參當歸治妊娠小便難同青黛治人面惡瘡同連翹治項上結核皆取其開鬱散結化痰解毒之功也 吹喉散 經驗廣集治咽喉十八症俱效大黑棗每個去核裝入五倍子一個去蟲研象貝一個

去心研用泥裹煨存性共研極細末加薄荷葉末少許冰片少許貯磁瓶內臨用吹患處任其嘔出痰涎數次即愈 對口 楊春涯驗方象貝母研末敷之神效

土貝母 一名大貝母百草鏡云土貝形大如錢獨瓣不分與川產迥別各處皆產有出安徽六安之安山者有出江南宜興之章注者有出甯國府之孫家埠者浙江惟甯波鄞縣之樟村及象山有之入藥

選白大而燥皮細者良 百草鏡云味苦性平微寒無毒能散癰毒化膿行滯解廣瘡結毒除風溼利痰傳惡瘡斂瘡口茅昆來筆記味大苦專消癰疽毒痰楊梅結毒非此不除 乳癰初起 白芷土貝

母各等分為細末每服三錢陳酒熱服護暖取汗即消重者再一服如壯實者每服五錢○楊春涯驗方天花粉乳香去油沒藥白芷歸尾土貝母赤芍獨活川芎各一錢甘草節陳皮各八分穿山甲三片

阜角刺一錢五分金銀花二錢五分防風一錢二分好酒煎服○又方白芷梢土貝母天花粉各三錢乳香去油一錢五分共炒研末白酒漿調搽再用酒漿調服三錢 乳癰 外科全生紫河車草浙貝

各三錢用黃精拌勻好酒和服盡醉蓋被取汗龍貢裁云浙貝乃甯波土貝母也 治乳岩 葉氏驗方陽和湯加土貝母五錢煎服數日可消○姚希周濟世經驗方治乳岩已破用大貝母核桃楸金銀

花連翹各三錢酒水煎服 癰疽 不論已破未破皆治瑞安生驗方土貝母半劬牛皮膠四兩敲碎牡蠣粉炒成珠去粉為細末水發丸菜豆大每日早晚用紫背天葵根三錢或用海藻昆布各錢半煎

湯吞丸三錢○又癰疽膏藥用牛皮膠水熬化一兩入土貝母末五錢雞油紙上貼之○吉雲蒞抄紫背天葵一兩五錢土貝母昆布海藻各一兩西牛黃三分海螵蛸五錢陳膽星三錢桔梗一兩共為細

末酒發為丸如紫豆大每日服六七十丸好酒送下○千金不易方治男婦小兒生癰瘰內消用土貝母研末陳米醋調搽數日即消○仙姑玉環散治痰核癰瘰未潰用此方生南星生半夏土貝各等分研末醋蜜調勻敷 癰瘰初起 土貝研細陳米醋和搽數日暗消○又方土貝母大力子全蟲洗各

五錢紫背天葵根昆布洗海藻洗各一兩青皮蟬退各三錢甲片炒四錢蜈蚣酒炙七條當歸二兩為末蜜丸砂仁湯下三錢虛加人參○種福堂敷痰核癰瘰方用生南星生半夏生大黃各一兩大貝母昆布海藻海浮石銅綠明礬各五錢用商陸根汁葱汁薑汁蜜四味調敷○又痰核癰瘰膏中用大貝母 痰核方 人參甘草各六分川芎桔梗陳皮木香烏梅各八分當歸白芷防風茯苓各一錢半夏

五分生薑三片黑棗二個水二鍾煎服如患處有水不乾加知母一錢土貝母一錢 消癰瘰 傳信方穿山甲和沙炒牛皮膠切碎麥殼炒各二兩土貝母連翹各一兩共為末大人三錢小兒二錢 治汗斑 集驗土貝母一兩南礪砂一兩冰片一分共研末搽之即愈家寶方礪砂只用五錢以暑月出汗時頻擦乃效 治鼠瘡 彙集關紹聖方大鯽魚一尾阜角內獨子每歲一個川貝母三錢土貝母

二錢將阜角子貝母入魚肚內黃泥包裹陰陽瓦炭火焙乾存性研為細末每服三錢食後黃酒調服忌葷百日 手發背 慈惠編生甘草炙甘草各五錢阜刺二錢五分土炒土貝五錢五分半夏一錢五分甲片二錢五分炒黑知母二錢五分加蔥薑水酒煎二劑服即愈 刀割斧砍夾翦鎗箭傷損

集驗云土貝母末敷之止血收口 毒蛇咬 祝氏效方急飲麻油一盃免毒攻心再用土貝母四五錢為末熱酒沖服再飲酒盡醉安臥少時藥力到處酒化為水從傷口噴出候水盡將盃內貝母渣敷傷口垂死者皆活 腫毒初起 百草鏡云此方傳自異人應驗如響重者不過三服輕者一二服初起即散已成者自潰且易收口甲片炙搗六錢全當歸五錢花粉八錢白芷五錢廣皮三錢土貝母研

二錢銀花一兩阜刺三錢赤芍六錢防風五錢甘草節六錢乳香炙另研一錢沒藥炙另研一錢蘇木二錢川牛膝一錢川斷五錢酒水各半煎汁去渣將沒藥乳香末調服取汗忌雞犬孝服男女僮尼觸

犯須避靜室服藥趙貢裁云此方專於攻散藥力太重惟可施於壯實之人虛弱者勿服 按貝母有甜苦之分有川象之別百草鏡云出川者曰川貝出象山者名象貝絕大者名土貝川產者味甘間有微苦總不似他產之一味苦而不甘者也入藥能補氣利痰而不寒虛人宜之象貝一味苦寒能化堅

痰性利可知若土貝功專化膿解癰毒性燥而不潤以象貝皆小土貝獨大於川產者亦異綱目不分著功用或其時尚未有此種耳又用藥識微云川貝中一種出巴東者獨大番人名紫草貝母大不道

地出陝西者名西貝又號大貝張石頑云貝母川產味甘最佳西產味薄次之象山者微苦又次之一種大而苦者僅能解毒並去心用今川中亦產一種大如錢者土人以之搗粉作漿刷川綢用不知入

藥然則土貝川中亦產不特浙江也憶庚子春有友自川中歸貽子貝母大如錢皮細白而帶黃斑味

甘云此種出龍安乃川貝中第一不可多得信是則川中之甜貝母亦有大者不特金川子獨甜也並附以俟考

草棉

綱目木棉下注云棉有二種似木者名古貝今訛爲吉貝似草者名古終今俗呼棉花乃草棉也

按代醉編棉花種爲番使黃始所傳宋末始入江南沈黃門烙日番中有青黃白三種今特傳其白者耳不知江浙草棉多種藝而木棉罕見卽草棉中亦有黃色者不盡是白者入藥以白爲勝綱目有棉花油不言花及子功用悉爲補之 百草鏡云花可止血穀可治腸 隔食隔氣用棉花殼入九月採不拘多少煎當茶飲之三日卽愈忌食鷺 藥性考云草棉甘溫禦寒卻冷燒灰止血凍家數穩子熱補虛煖腰治損油毒昏目塗癬疥等 子 性熱味辛 治腸風救生苦海棉子丸取棉花子炒黃黑色去殼爲末用陳米濃汁加黑砂糖丸如桐子每日空心時滾水下三錢服至三劑斷根○腸紅秘方集驗棉子炒爲末用白糖拌米湯和服○血淋不止許氏方炒燥爲細末三白酒送下二錢立止○白帶沙淋救生苦海調經門香附散中用棉子仁○赤白帶下百草鏡棉花子炒黑去殼爲末米糊丸每服三錢赤帶用砂糖湯下白帶用白糖湯下○種子最妙方用棉花子砂糖各三錢沖酒服○薰洗痔傳信方鬼饅頭棉花子烏菱殼鳳尾草等分煎湯先熏後洗如疼加乳香癢加楊柳鬚或木稜藤○又方用棉花子同槐樹梗葉煎湯洗熏自愈○下血血崩不止百草鏡棉花子燒灰存性酒下立止○便毒濟世方用棉花子瓦煨存性爲末每日空腹酒下二錢連服三次全消兼治血崩○陽痿不起祝氏效方棉花子水浸曬乾燒酒拌炒去殼用仁半筋破故紙鹽水炒韭菜子炒各二兩爲末葱汁爲丸梧子大每服二錢空心酒下○痢疾救生苦海棉花子仁新瓦炒去油焦研細每服二錢紅用燈心湯下白用好陳酒下○癩痺棉花瘡集驗用棉花子一斗燒酒拌和炒燥去灰再拌再炒以黑爲度去殼再炒擣爲末用砂糖調和每服三錢服過一升許卽愈○除壁蝨易堂驗方疏黃末拌棉花子燒煙薰二次卽絕○中風口眼喎斜便易良方用棉花子炒黑爲末乳香末三錢紅糖二兩飯後黃酒送下卽愈○腸風下血不藥良方生柿子二個竹刀切去蒂核以棉花子塞入柿內仍蓋好瓦上煨存性研細末米飲熱調服重者三服全愈○穀道生瘡俗呼偷糞老鼠不藥良方用棉花子炒去殼磨粉每早中晚三次打糊服一盃半月全愈○治腎子大小偏墜回生集棉子煮湯入糞將腎囊坐入囊口俟湯冷止一二次散其冷氣自愈○癰瘡諸風醫學指南乳香沒藥各三錢棉花子白糖各六錢爲末黃酒化服出汗愈○風蟲牙疼家寶方用韭菜子黑核桃肉棉花子各一兩分爲末醋糊丸火酒浸咬在疼處卽止○痔漏家寶方用棉花子仁六兩烏梅六兩共搗爛爲丸桐子大早晚每服三錢開水送下服完卽愈○經水過多不止慈航活人書棉花子瓦器炒盡烟爲末每服二錢空心黃酒下○小便血劉羽儀經驗方用棉花子炒枯存性爲末熱火酒調服服後在左腳大指節上有毛處以豆大艾丸將火灸

之卽止○盜汗不止劉氏驗方棉子仁三四錢每日煎湯一盃空心服三四日卽止○腸風○腸紅下血垂危德勝堂方淮棉花核一升槐米七錢用天目芽茶四兩泡汁將二味炒燥入茶汁內復泡又炒如此數次汁乾爲度磨末每服三錢空心酒調下三日立愈○治牙宣蘭臺軌範用棉花核煨灰擦○治吹乳郎興祖方棉花子一兩打碎酒水同煎服○治陰囊腎子腫大方集驗棉花子仁煎湯洗之自愈○血崩翼雲林萬病回春用棉花子仁炒黃色甘草黃芩等分爲末每服二錢空心黃酒下○又集驗良方用陳穉棉花子二味燒灰存性黃酒送下卽止○虛怯勞瘵久嗽吐血不止集效方棉花子不拘多少童便浸一宿爲末每服一錢側柏葉湯下諸藥不效此方甚驗酒調服治血崩○集聽云棉子仁止血不寒凡血症及婦人經病帶下崩淋醋炒七次用○心疼腹痛集聽用側柏葉米泔水浸三日日易水一次曬乾炒黑棉子仁末一筋配柏末八兩如熱甚者對配○種子方集聽棉子仁淨肉四兩燒酒拌曬三次熟地二兩枸杞一兩兔絲子破故紙茯苓山藥陳皮五味子連翹何首烏各一兩蜜丸鹽湯空心服四錢○痔漏管周氏家寶方棉花子仁炒急性子炒蕪麻子仁炒各等分爲末每服三錢空心好酒下輕者半月重者一月管自退○出血不止家寶方棉花子燒灰存性爲末敷之○崩帶家寶方陳蓮蓬燒灰存性五錢棉花子肉燒灰存性三錢共一服無灰酒調下 治痰火後半身不遂筋骨疼痛 核桃仁棉花子仁杜仲炒巴戟砂仁骨碎補枸杞子續斷牛膝各二兩大蝦米四兩兔絲餅四兩用燒酒二十筋煮服如年高者加附子肉桂各一兩酒服完將渣曬乾爲細末煉蜜爲丸每服二錢酒送下 打老兒丸 良朋彙集方久服延年卻疾棉花子一筋炒去殼核桃肉四兩打爛用小米麪打糊爲丸重三錢滾湯服 仙傳蟠桃丸 臥雲山人傳大有補益治諸虛百損棉花子取淨仁乾燒酒拌透下用黃酒水平對蒸一炷香紅棗用黃酒煮熟取淨肉各一筋歸身牛膝枸杞俱用酒浸肉菘蓉酒洗去泥甲山茱萸酒潤去核兔絲子酒蒸成餅白魚鱉麩炒成泡白茯苓人乳拌蒸故紙鹽水炒熟地酒煮如飴以上藥各四兩淨巴戟酒洗去心五兩共爲細末煉蜜爲丸三錢早晚酒水任意送下 棉花子丸 年希堯集驗良方云烏鬚煖腎種子陽虛人宜此用棉花子十數筋用滾水泡過盛入蒲包悶一炷香取出曬裂殼口取仁并去外皮用淨仁三筋壓去油淨用火酒三筋泡一夜取起蒸三炷香曬乾故紙一筋鹽水泡一夜炒乾川杜仲一筋去外粗皮黃酒泡一夜曬乾薑汁炒去絲枸杞子一筋黃酒浸蒸曬乾兔絲子一筋酒煮吐絲爲度共爲末蜜丸桐子大每服二三錢 長春丸 治腎虛精冷之症集驗良方魚鱉一筋蛤粉炒成珠極焦棉花子取淨仁一筋去油淨酒蒸白蓮鬚八兩金櫻子去子毛淨一筋金釵石斛八兩炒菸藥四兩枸杞子四兩五味子四兩炒鹿角五筋鋸薄片河水煮三晝夜去角取汁熬膏和藥末爲丸桐子大每服三錢 健步仙方 凌雲集棉花子仁一筋淨肉用燒酒三筋炒乾枸杞子四兩酒浸杜仲四兩鹽酒煮炒兔絲子四兩酒炒歸身二兩破故紙四兩

酒洗炒胡桃仁四兩共爲末煉蜜爲丸桐子大每服三錢空心滾湯下

紫草茸

葉大椿痘學眞傳云紫草茸古本不見近刻但在紫草項下註明紫草茸染手者爲佳竟不知別有一種予幼時見世叔華泓卿家有紫草茸爲發痘神丹乃其高祖學士鴻山公使外國帶歸

者予取而藏之每遇血熱毒癰失血煩悶頂陷不起痘疔腫脹於清解藥中研如四五分無不神效

惜乎方書不載不敢擅增本草近見神應心書獨標紫草茸色澹紅出烏思藏着大樹枝上如白蠟

其價如千金不特發痘如神用酒調服一二錢能治諸腫毒惡瘡又云順手搗一錢酒下力能催生

此液水譚應夢屢獲其效併請正西番貢僧之語至近時亦知茸非紫草之嫩苗復誤認胭脂渣卽

是紫草茸此說更謬○按紫草本草諸方皆用根草苗獨行方治豌豆瘡不發煮紫草湯飲後人相承

用之則以之治痘涼血解毒自此始也曾世榮活幼新書云紫草性寒小兒脾氣實者猶可用脾氣虛

者反能作瀉古惟用茸取其初得陽氣以類觸類所以用發痘瘡則用茸亦見於此而未聞有烏思

藏所出種據葉所云又似紫鏽亦無的解以其親試歷效故存其說以俟後之博訪治痘及諸腫

毒惡瘡催生已亥冬遇劉挹清少府於餘杭言其祖曾任蜀藩家有西藏紫草茸皆成塊如指頭大

色紅而明透如琥珀知葉所載爲不謬翟良痘科釋義云痘科用紫草古方惟用其茸取氣輕味薄而

有清涼發散之功凡下紫草必用糯米五十粒以制其冷性庶不損胃氣而致泄瀉惟大熱便秘者不

必加

獨腳連

獨腳一枝蓮

八角蓮

粵西偶記生廣西草如黃連根極大持入藥肆則諸藥香氣盡消爲眞

三脚五脚者次之百草鏡此藥產廣東根大如拳春月發苗經霜雪則死若善藏過冬則來年宿根

復發苗高尺許葉大如杯宛似荷葉色綠柔厚莖有細毛六七月起莖莖有白毛開花微垂似山藷而

小其色微紅稗史鄱陽山閒生一種草始萌芽時便似蓮蓬俗呼爲獨腳連移植於居宅隙地及園

圃中蛇虺不敢過其下王季光宅後榛莽叢中有蛇穴常出爲人害乃種此草數本於穴外自是其患

不作至暑月聞穴內臭甚使園丁掘土訪求得死蛇十數蓋爲草氣所熏潰也又一小蛇來到草傍立

化爲水矣○采藥錄獨腳黃連苗葉如土大黃面青背赤根直色黃此草根下有赤練蛇數條者方是

按綱目鬼臼亦名獨腳連無治疔之說至集解下註形狀又小有異同故仍爲補之庚戌子在臨安

有醫士盛天然言其地古城與餘杭接壤產獨葉花生山坑不見天日其形一葉中含紅花一朶儼如

蓮花狀其花從葉心透出下有根作獨蒜狀其花葉聞人聲輒縮入根內不可見遇之者記其處掘之

亦止有根其葉與花雖剖根覓之亦無形迹倘得之者不論何等毒蛇咬以根擦摩蛇毒卽盡如有誤

服蛇變驚者以少許煎湯服之卽瘥併能解一切毒蟲咬螫一切蠱毒草木毒咽喉一十八症皆驗如

神凡人鼻發紅色生癩癩疥癩異常名曰痧蟲食鼻以此根磨塗立愈此乃天生神物有山行遇之者

本草綱目拾遺

卷五

草部

獨腳連

獨腳一枝蓮

八角蓮

露花粉

上海錦章書局印

不論持何物先擲之以鎮住然後再掘即不能遁形凡生獨葉花地四圍約尺許無草其上不可手取亦勿以鐵刀取須用竹刀掘取則不傷根蓋此草蛇最喜蟻其旁凡蛇咬人亦中人毒必退殼若覓此物臥其旁一宿則人毒解可免退殼之患大毒蛇都喜蟻其根旁故土最毒近人手則手爛然得其根反能解百種大惡蛇毒丐者覓此以為得寶云 治疔腫癰疽以根或醋酒磨塗葉貼癰腫能消 治

蛇咬 祝氏效方用獨葉一枝花生溪灘浮土上根如鼠糞用根口嚼搽瘡上 退疔奪命丹 萬病

回春云此丹專治疔瘡防風八分青皮七分羌活獨活黃連各一錢赤芍六分細辛八分廬蠶一錢蟬

退四分澤蘭葉五分金銀花七分甘草節一錢獨腳連七分紫河車即金線重樓七分右劉五錢先服

倍金銀花一兩澤蘭一兩少用葉生薑十片同搗爛好酒釀熱泡之去渣熱服不飲酒者水煎亦可然

後用酒水各一半煎生薑十片熱服出汗病退減後再加大黃五錢同煎熱服以利二三次去餘毒如

有膿加何首烏白芷梢在腳加檳榔木瓜要通利加青皮木香大黃梔子牽牛

獨腳一枝蓮 百草鏡山間有之二三月苗發生菅茅俗名乾苛叢中獨莖無葉高尺許莖細強青白色

莖端有一疣瘡至晚秋時疣瘡生花類蓮其根與黃麻根相似 治疔腫癰毒流注

八角連 湧幢小品綏甯產之可以伏蛇諺云識得八角連可與蛇共眠 治一切毒蛇傷 按瀕湖綱

目有鬼曰亦治毒蛇傷 鄭樵通志云八角盤即鬼曰今人所謂獨腳連是也或粵語類舉其名呼為

八角連未可知附存俟考 汪連仕草藥方八角盤起金星名金星八角嬰兒取為獨腳連俗呼獨葉

一枝花根如赤朮多眼如馬目今人呼馬目奪公消一切毒力能軟堅透膿

露花粉 粵志露花生番禺蓼涌狀如菖蒲其葉節邊有刺葉落根以火燻之成枝幹而多花花生叢葉

中其瓣大小亦如葉而色瑩白柔滑無芒刺花抱蕊心如穗朝夕有零露在苞中可以解渴又有粉可

入藥其生於他土者蕊落結子大如瓜曰路頭花多不香惟露花盛夏時露花始熟以花覆盆盞曬之

香落茶子油中其氣馥烈是曰露花油蓼涌及增城人善為之遲開者曰寒花香益清微不可為油其

生東安山中者叢卑葉小自春至秋皆花近水者尤香亦不可為油 塗兒女肌膚止汗

通血香 出西洋色如乾醬 百草鏡云出陝西羊羾客帶至杭貨賣 治血症及肝血氣入藥最良

酸脹 救生苦海通血香一錢取亞腰葫蘆一個不去子膜入香於內再入酒煮仍以所開之蓋合縫

封固以陳酒安鍋內懸葫蘆於酒中揆定勿令傾倒將鍋蓋密煮三炷線香為度煮時其香透屋牆之

外煮完取出葫蘆內子膜并藥烘乾為末每服一錢空心時酒下聞五日再服一錢服盡葫蘆內藥服

五六錢即愈此方出廣筆記云治脾虛有溼者 瘰癧 良朋彙集有治瘰癧內消方紫背天葵一兩

五錢海藻海帶昆布各一兩海螵蛸五錢貝母桔梗各一兩通血香三錢右藥為細末酒糊為丸桐子

大每服七十丸食後溫黃酒送下 痔漏通腸 海藥秘錄胡連追毒方專治痔漏不拘遠年近日有

漏或通腸及污泥孔出者先用此方追盡膿血後服黃連閉管丸取效最穩用胡黃連八錢切片盛汁拌炒刺蝟皮一個切片炒黃爲末通血香八分須用眞者研末麝香二分共和勻軟飯爲丸麻子大每服一錢食前酒下服藥後臘水反多乃藥之功勿懼可也 黃連閉管丸 胡黃連淨末八錢甲片麻油內燻黃五錢石決明煨過五錢眞通血香六分不可少槐花五錢共爲細末蜜丸麻子大每服一錢空心清米湯下早晚二服重者二十一日收功此方不用刀鍼挂線之苦誠起廢之良方也如漏邊有硬肉突起者加蠶繭二十一一個炒末和入此方及遍身諸漏並治屢試屢效 臍連丸 治痔漏無論新久但舉發便下血作痛肛門墜重者膿血不止腫痛難坐者並治胡黃連淨末八兩通血香錢半用雄豬大腸盡頭一段長一尺二寸溫湯洗淨將連末及通血香灌入腸內兩頭以白絲線紮緊煮酒二斤半新砂鍋內煮酒將乾爲度取起腸藥各搗如泥倘藥爛曬一時復搗爲丸桐子大每服七十九空心溫酒送下久服除根又名白銀定子治漏有孔者只須半月見功神效 三品一條鎗 白砥淨末一兩白礬淨末二兩明雄黃二錢四分通血香八分乳香一錢二分先將砥礬研極細末鐵杓鎔成餅入炭火煨烟淨取出去火毒爲末和入雄黃血香乳香細末作錠子成條插入漏內直透裡痛處爲止每日上三次至七日爲止半月瘡結而愈如痛未痊用生肌散收口可也○生肌散治諸痔瘡腫毒收口神速大妙乳香沒藥海螵蛸用三黃湯煮過寒水石煨過輕粉龍骨煨赤石脂煨冰片各等分共研細末參患處外貼膏藥

野馬豆

出西藏乃番僧撚草末合成如豆形故名王怡堂云藏中出一種草彼土人呼爲野馬草番僧擇日採之研爲細末置淨器中供佛前更擇日和爲藥其合藥之日率彼土男婦皆於佛前誦咒以所和草末研爲丸男丸者爲雄婦丸者爲雌藥亦分雌雄形雄者丸上有小圓凸雌者作長凹色有紅有黑皆如菉豆大丸畢仍置淨器中必須雌雄合在一處一二日能生出生小豆如麻子屑飼以藏紅花聞日視之紅花漸少則新生之豆漸大久則又生小豆以此生生不息亦一異也如攜帶遠方無藏紅花豆亦不死惟不能化生小豆耳○西甯人曾玉瀛言野馬豆又呼嘸呢子如半粒菉豆大藏中人得此豆每日輒誦唵嘛呢叭唵吽六字數百遍丸豆時亦口念此六字故名能治胃氣心痛瘧瘧瘧疾忌服以其善於長化顛倒陰陽也○馬少雲衛藏圖識藏中有子母藥大裁可菉豆以哈達潔裏之經時小粒漸增有子母相生之義傳達喇嘛默持佛咒以糌粑搓成者故以奇異著按此卽野馬豆也○朱排山柑園小識喇嗎嘗聚會以米麥數粒置瓶中四人守之誦唵嘛呢叭唵吽六字咒飲食則代無開晝夜四十九日有紅子滿瓶中大如芥子色似硃砂謂之嘸嘸子佩之能辟邪致祥小兒食之稀痘○壬子子從戚友處覓得嘸嘸子數十粒以玻璃盆貯之形勻圓儼似急性子而色紅據云初得時色不甚紅苦無藏紅花卽市本地河南所產紅花研屑拌之久則色紅如硃砂平瑤海先生偶得西藏

嘸嗟子數十粒一時無玻璃器乃卽置紙裏中供佛前日誦文殊六字真言數百遍其子能忽多忽少又能透出紙裏外變幻不常異之以告客客曰此物性成本得西僧咒力其造子之法今都中喇嘛亦能爲之每四月八日大小喇嘛輒羣聚佛前選高行持誦者數十人繞鉢法鼓宣揚六字真言七晝夜其丸卽用乾麪手搓如粟米大口念手丸以金盆貯之丸時得咒力粒粒皆能自飛或在窗櫺或在案格堆結團聚俟七晝夜滿後其不能飛者去之其飛者用帚掃下以送諸王大臣名喇嗟子可治諸疾變幻多寡蓋自其成性已然無足異也入藥以西藏合者佳癸丑冬在上虞署晤平司馬少君萊仲言會隨任中甸其地係西藏要路有喇嗎等彼地呼野馬豆爲舍利子有草木佛三種彼土富人死必納一粒口中云入冥生光土人有病亦輒服之○金御乘言慈谿有患耳聾者其家有藏中帶來嘸嗟子取服三粒忽聞兩耳中大聲一震轟然如掣去數百動物者嗣後耳更聰甚其人一日忽眠食妓家次日復聾如故再服亦無效矣 味微辛性平治百病彼土無藥有病卽服此豆

夏草冬蟲

出四川江油縣化林坪夏爲草冬爲蟲長三寸許下跌六足脰以上絕類蠶羌俗採爲上藥

功與人參同○從新云產雲貴冬在土中身活如老蠶有毛能動至夏則毛出土上連身俱化爲草若不取至冬復化爲蟲○四川通志云冬蟲夏草出理塘潑浪工山性溫煖補精益髓○黔囊夏草冬蟲出烏蒙塞外暑苗土爲草冬蟄土爲蟲○青藜餘照四川產夏草冬蟲根如蠶形有毛能動夏月其頂生苗長數寸至冬苗槁但存其根嚴寒積雪中往往行於地上○文房肆考邇年蘇州皆有之其氣陽性溫孔裕堂述其弟患怯汗大泄雖盛暑處密室帳中猶畏風甚病三年醫藥不效症在不起適有戚自川歸遺以夏草冬蟲三觔逐日和葷蔬作餚燉食漸至愈因信此物保肺氣實膝理確有徵驗用之皆效○七椿園西城聞見錄夏草冬蟲生雪山中夏則葉歧出類韭根如朽木凌冬葉乾則根蠕動化爲蟲入藥極熱○徐后山柳崖外編冬蟲夏草一物也冬則爲蟲夏則爲草蟲形似蠶色微黃草形似非葉較細入夏蟲以頭入地尾自成草雜錯於蔓草間不知其爲蟲也交冬草漸萎黃乃出地蠕蠕而動其尾猶簌簌然帶草而行蓋隨氣化轉移理有然者和鴨肉頓食之大補紹興平萊仲先生言其尊人曾任雲南麗江府中甸司馬其地出冬蟲夏草其草冬爲蟲一交春蟲蛻而飛去土人知之其取也有期過期無用也○朱排山柑園小識冬蟲夏草生打箭爐冬生土中如蠶夏則頭上生苗形長寸許色微黃較蠶差小如三眠狀有口眼足十有二宛如蠶形苗不過三四葉以酒浸數枚啖之治腰膝間痛楚有益腎之功以番紅花同藏則不蛀或云與雄鴨同煮食宜老人 潘友新云粵中鴉片丸用夏草冬蟲合鴉片人參合成乃房中藥也此草性更能興陽則入腎可知甘平保肺益腎補精髓止血化痰已勞嗽治膈症皆良從新味甘性溫秘精益氣專補命門藥性考 按物之變化必由陰陽相激而成陰靜陽動至理也然陽中有陰陰中有陽所謂一陰一陽互爲其根如無情化有情乃陰乘陽氣有

情化無情乃陽乘陰氣故皆一變而不復返本形田鼠化鴛鴦化田鼠鴉化鷹鵬化鳩悉能復本形者陽乘陽氣也鈔石化丹砂斷松化為石不復還本形者陰乘陰氣也夏草冬蟲乃感陰陽二氣而生夏至一陰生故靜而為草冬至一陽生故動而為蟲輾轉循運非若腐草為螢陳麥化蝶感溼熱之氣者可比入藥故能治諸虛百損以其得陰陽之氣全也然必冬取其蟲而夏不取其草亦以其有一陽生發之氣可用○張子潤云夏草冬蟲若取其夏草服之能絕孕無子猶黃精鉤吻之相反殆亦物理之奧云周兼士云性溫治盪脹近日種子丹用之 嫩老鴨法○用夏草冬蟲三五枚老雄鴨一隻去肚雜將鴨頭劈開納藥於中仍以線紮好醬油酒如常蒸爛食之其藥氣能從頭中直貫鴨全身無不透決凡病後虛損人每服一鴨可抵人參一兩

綿絮頭草 一名金沸草一名地蓮俗呼黃花子草生郊野立春後發苗葉多白毛似綿絮至立夏開黃花一莖直上花成簇處處山坂有之鄉人初春採其葉揉粉作饑食清香堅韌最適口此草形小布地生葉似慎火而薄摘之有白絲色青白本小如翦刀草○按綱目有鼠麴俗名毛耳菜葉有白茸又名茸母宋徽宗詩茸母初生認禁烟卽此蟻食此草卽醉故又名虻蜉酒草然其功用亦止載其能治寒熱欬嗽去肺寒大升肺氣而已今別補其功用 味酸性熱多食損目治囊風溼癢煎湯洗愈兒疳梅瘡下疳同甘草煎洗

鴉膽子 一名苦參子一名鴉膽子出閩廣藥肆中皆有之形如梧子其仁多油生食令人吐作霜搥去油入藥佳 治痢 何夢瑤醫編鴉膽丸用鴉膽子去殼搥去油一錢文蛤醋炒枯礬川連炒各三分

糊丸硃砂爲衣或鴉膽霜黃丹各一錢加木香二分亦可烏梅肉丸硃砂爲衣二方俱丸菜豆大粥皮或鹽梅皮或圓眼乾肉或芭蕉子肉包吞十一二丸立止裏急後重 吉雲旅抄用鴉膽卽苦楝子去殼留肉包龍眼肉每歲一粒白滾水下 治痔 金御乘云近日閩中板客皆帶鴉膽子來治痔如神有患者以子七粒包圍眼肉吞下立愈 至聖丹 治冷痢久瀉百方無驗者一服卽愈凡痢之初起實熱實積易知而易治惟虛人冷積致痢醫多不以爲意蓋實熱之症外候有身熱煩躁唇焦口渴肚疼窘迫裏急後重舌上黃胎六脈洪數證候旣急治者亦急輕則疎利之重則寒下之積去而和其陰陽無不愈者至於虛人冷積致痢外無煩熱躁擾內無肚腹急痛有赤白相兼無裏急後重大便流痢小便清長此由陰性遲緩所以外症不急遇此不可姑息但以集成三仙丹下之以去其積倘不急下必致養虎貽患其積日久漸次下墜竟至大腸下口直腸上口交界之處有小曲摺隱匿於此爲腸積最深之處藥所不到之地証則乍輕乍重或愈或發便則乍紅乍白或硬或溇總無一定任是神丹分毫無濟蓋積不在腹內而在大腸之下諸藥至此性力已過盡成秕糠安能去此沈匿之積所以冷痢有至三五年十數年不愈者由此故也古方用巴豆爲丸下之者第恐久病人虛未敢輕用今以至搥

本草綱目拾遺 卷五 草部 綿絮頭草 鴉膽子 元寶草 雀梅 上海錦章書局石印

至鴉鴉膽子一味治之此物出閩省雲貴雖諸家本草未收而藥肆皆有其形似益智子而小外殼蒼褐色內肉白有油其味至苦用小鐵錘輕敲其殼殼破肉出其大如米敲碎者不用專取全仁用之三五歲兒二十餘粒十餘歲者三十多粒大人則四十九粒取大圓肉包裏可以直至大腸之下也此藥並不峻厲復不肚痛俟大便行時有白凍如魚腦者即冷積也如白凍未見過一二日再進一服或微加數粒此後不須再服服時忌葷酒三日戒鴨肉一月從此除根永不再發矣倘次日腹中虛痛用白芍一枝甘草一枝各重三錢紙包水溼火內煨熟取起搥爛煎湯服之立止此方不忍隱秘筆之於書以公世用

痢疾神方 醫宗彙編用白石榴燒灰一錢真鴉片切片二錢鴉膽子去殼紙包壓去油三兩人參三分枯礬二分海南沈香三分共為細末調粥為丸重五六錢曬乾磁瓶收貯紅痢用蜜一匙滾水調下紅白相兼陰陽水送下肚脹滾湯下水瀉米湯開水送下忌油膩腥酸一月

元寶草 生江浙田陸間一莖直上葉對節生如元寶向上或三四層或五六層此草有兩種一種兩葉包莖亦對節生一種獨葉莖穿葉心入藥以獨葉者為勝○百草鏡元寶草生陰土近水處多有之穀雨後生苗其葉中闊兩頭尖如梭子形穿莖直上或五六層或六七層小滿後開花黃色氣性涼寒百草鏡性涼補陰治吐血衄血跌撲閃腰挫疼癱瘓

雀梅 一名爵梅葉如薔薇結實如梅而小 百草鏡云有一種山雀梅枝不蔓曲是樹不實亦有高大者按爵梅綱目主治蝕惡瘡外皆不載今復補其功用○綱目郁李下引詩疏云一名雀梅與此名同物異亦不言治癰毒 葉酸寒治乳癰便毒有奇效瀉熱解毒

鐵烏鈴 采藥書又名鐵鈴草其本色黑葉梗根堅實如鐵其汁黑可烏髮 主治楊梅惡瘡風氣癱瘓損折筋骨俱煎酒服 汪連仕方

嬌酣草 俗名嬌孩兒處處人家種之葉尖大如指甲有枝梗夏月開細紫花成簇結子亦細今人種於盆內婦人暑月採之插髮可辟膩腫 芳香辟惡去臭氣辛溫和中止霍亂吐瀉行氣活血發瘧者塞鼻能令寒熱漸輕

土當歸 荷包牡丹之根今人呼活血草即土當歸也 汪連仕云用其根搗汁酒沖服之令人沈醉金瘡之聖藥也

開金鎖 從新云產江浙葉如草薺高三四尺根如首烏而無稜肉白色而無紋略似菝葜而無刺 苦平祛風溼同蒼朮當歸治手足不遂筋骨疼痛

鐵指甲 李氏草秘其草葉似指甲生牆腳階岸石砌間 王安采藥方此草沿松樹上一名佛指甲一名寄生 治諸癩毒火丹頭面腫脹將危者少入皮消搗卷之立愈李氏草秘牙疼燉末搽之立效王

雪裡青 荔枝草附 一名土犀角 一名過冬青 生田廬開葉如天名精而小布地生無枝梗葉有細白毛
四時不彫 雪天開小白花又荔枝草亦名雪裡青 ○百草鏡云雪天開小白花者乃過冬青三月起莖
花白成穗 細夏枯草有毛者名雪裡青 味苦大寒 瀉熱治咽喉急閉 搗汁灌之甚效 王氏驗方云
能行上焦 治癰癤散風火結滯 欬血雪裡青根精豬肉切片層層隔開白酒淡煮至爛食之 ○肺癰雪
裡青搗汁加蜜和勻作二次服 每日服五七次 七日全愈 ○齒痛雪裡青搗汁含痛處 再用酒和服少
許 ○痔雪裡青湯洗之 ○吹喉薄荷一兩雪裡青五錢加冰片三分為末吹喉或吹鼻孔亦可 ○肺癰
集效方雪裡青搗汁沖酒服之立效 ○黃雨巖云危篤肺癰痰症第一用雪裡青搗汁服如吐尤妙 ○
治單雙蛾木蓮蓬雪裡青根葉搗汁米醋液過沖入前汁含少許咽之吐出即愈

荔枝草 一名皺皮葱丹術家入爐火用 ○百草鏡云荔枝草冬盡發苗經霜雪不枯三月抽莖高近尺
許開花細紫成穗五月枯莖方中空葉尖長面有麻粟邊有鋸齒三月採辛亥子寓臨安署中見荒圃
中多此物葉深青映日有光邊有鋸齒葉背淡白色絲筋紋較綻露麻粟凹凸最分明凌冬不枯皆獨
辦一叢數十葉點綴稠草間亦雅觀也 性涼涼血 葛祖遺方治咽喉十八症消癰腫楊梅痔瘡
急驚 集聽荔枝草汁半鍾水飛過硃砂半分和勻服之立愈 小兒疳積 集聽荔枝草汁入茶盃
內用不見水雞軟肝一個將銀鍍鑽數孔浸在汁內汁浮於肝放飯鍋上蒸熟食之即愈 喉痛或生

乳蛾 救生苦海用荔枝草搗爛加米醋絹包裹縛筋頭上點入喉中數次愈 雙單蛾 集效方雪
裡青一握搗汁半茶鍾滾水沖服有痰吐出如無痰將雞毛探吐若口乾以鹽湯醋湯止渴切忌青菜
菜油 痔瘡 活人書雪裡青汁炒槐米為末柿餅搗丸如桐子大每服三錢雪裡青煎湯下 白濁
張葦滴傳方雪裡青草生白酒煎服 無名腫毒 葉天士效方雪裡青一握鮮者佳加金剪刀同
搗爛入酒糟半鍾共搗數不必留頭輕者自散重者雖出膿無妨 治鼠癩 經驗廣集用過冬青即荔

荔枝草又名天名精五六枚同鯽魚入鍋煮熟去草及魚汁飲數次愈 汪連仕草藥方鳳眼草即荔
枝草土人稱為賴師草醫家名隔冬青涼血止崩漏散一切癰毒最效
落得打 一名土木香山雄黃五香草從新云近處有之苗高尺許葉如薄荷根如玉竹而無節搗爛則
黏 ○按從新所說似今人所名為紫接骨者落得打子養素園中曾種之苗長二三尺葉細碎如蒿艾

秋開小白花結子白色成穗纍纍如水紅花但白色耳故又名珍珠倒捲簾治跌打損傷神效曾記辛
巳年小婢失足從樓梯墜下瘀血積滯因採此搗汁沖酒服以渣卷傷處一飯頃疼痛即散內瘀亦瀉
出葉有清香者此藥以家種隔二三年者入藥用良野產者入藥有草氣胃弱者服之多吐 ○百草
鏡云此草立春後始發苗十月枯八月開花苗葉如菊艾有歧尖而薄五月採嫩枝入藥 ○李氏草秘

本單綱目合覽 卷五 草部 雪裡青 至荷包草 三十二 上海錦章書局印

七葉草一名落得打一名活血丹雖名草實樹其樹高一二尺五七尺不等搗汁和酒服治打傷撲損
疔瘡腫毒煎洗痰核瘰癧久久自消敏按此言木本當又是一種 甘平治跌打損傷及金瘡出血並
用根煎服或搗敷之不作膿 葛祖方治跌打損傷無名腫毒去瘡瘀血死肉不痛 百草鏡云性甘
香溫入脾經去風調氣活血 花 擦牙疼治頭風及風氣

苦花子 一名毛蓮子又名小葉金雞舌又名苦花椒入藥梗葉並用 治疔瘡瘴毒蛇傷熱腹痛熱喉

風並效搗汁搗水夏冷服冬溫服

佛手草 朱煥齋任城日鈔杭州秦亭山聖帝殿廚房後石臺基上有草狀如百合名百合草一名佛手
草寺僧藉以貨售香客以入藥 治瘡不論何種惡瘡以此草煎湯洗之即愈敏按王安采藥方射干

一名佛手草不治瘡與此別

草石蠶 餘杭山中多有之葉似大葉金星根黑色如蠶○按甘露子亦名草石蠶與此別○前溪逸志
銅官山生石蠶藤也以石爲土形則蠶也採食之可已風痹○本草石蠶乃石似蠶者非真蠶也藤之

蠶根於石石之蠶伏於土非格物君子焉能辨其名號識其性情哉 治虎傷收口用之虎咬成瘡口

不斂者爲末摻上即癒 風痹羊毛痧 敏按王安采藥方金星鳳尾即寶劍草其根名石蠶能解硫

黃毒蛇毒治發背癰疽結核等症竹木魚刺黃疽熱淋洗眼疾陰溼瘡似此則非藤蠶甘露子明矣

毛葉仙橋 貓舌仙橋附 一名翠梅草百草鏡云春月發苗葉狹尖糙濫微有毛三月開花碧色至五月

開其莖蔓延黏土生根兩頭如橋故名三月採去根 性寒 葛祖方治失力黃能退諸瘡熱血風火

氣毒○百草鏡云散風火利溼熱治白火丹疥瘡濕精○白濁用毛葉仙橋三錢酒煎服 李氏草秘

仙橋草形似橋倒地生根葉似柳厚背紫色者多秋開紫花一條治疔瘡諸毒癰腫用此草搗汁加酒

服雖發狂垂死入口即生○汪連仕云細葉者紫背仙橋青必須紫色延蔓倒地如橋土人名爲疔瘡

草能消疔腫拔根合蒼耳草酒煎服

貓舌仙橋 汪氏草藥方貓舌仙橋葉面生刺草本場地生花青紫多產水澤旁 治疔瘡理黃疸一切

溼火

荷包草 一名肉餛飩草一名金鎖匙生古寺園砌石間似地連錢而葉有縐紋形如腰包青翠可愛
○百草鏡云二月十月發苗生亂石縫中莖細葉如芡實大中缺形似挂包餛飩故名蔓延貼地逐

節生根極易繁衍山家階砌亂石間多有之四月十月採過時無 性微寒治黃白火丹去溼火兼

神仙對坐草用○清五臟點熱眼止吐血洗痔瘡調婦人經忌鹽 水腫初起 百草鏡云活鱒魚

大者一尾用瓷片割開去鱗及腸血以紙拭淨勿見水以荷包草填腹令滿甜白酒蒸熟去草食魚

利溼熱治黃白痕癩脹白濁經閉搗汁點熱眼煎湯洗痔瘡腫痛百草鏡 疝氣 周氏家寶用荷

包草研爛汁酒送服此草形似荷包上面有二子初生時有葉無子須至六七月方生 黃疸家
寶方荷包草螺螄三合同搗汁澄清煨熟服 眼中生疔 眼科要覽用肉餛飩草連根葉和酒漿板
搗汁飲二三次即愈 酒漿板即酒釀糟也 蛇咬 家寶方鶴頂紅即灰藿肉餛飩野甜菜三味共搗
敷之

鼠牙半支 生高山石壁上立夏後發苗葉細如米粒蔓延絡石其根嵌石罅內白如鼠牙百草鏡載各
種半支有七十二種此為第一○百草鏡鼠牙半支二月發苗莖白其葉三瓣一聚層積蔓生花後即
枯四月開花黃色如瓦松 性寒消癰腫治溼鬱水腫 治諸毒及湯烙傷疔癰等症蟲蛇螫咬 蔞

儀藥鏡拾遺賦半枝蓮解蛇傷之仙草 半枝蓮飲 百草鏡云治一切大毒如發背對口冬瓜騎馬
等癰初起者消已成者潰出膿亦少鼠牙半支一兩搗汁陳酒和服渣數留頭取汗而愈章南開試效

狗牙半支 虎牙半支附 生陰溼地立夏前發苗葉尖細作品字式層覆而生夏至時開花黃色類瓦松
花後即死其年雨水多其草必茂葉大者曰虎牙 治癰疔便毒黃疸喉癰 救生苦海用狗牙半支

搗汁加陳京墨磨汁和勻漱喉日咽四五次甚者半月愈○天蛇頭疼不可忍醫宗彙編用半支連同
香糟搗爛少加食鹽包住患處疼即止

虎牙半支 功同 汪連仕采藥書虎牙半支性寒涼無毒葉片大者羊角半支葉扁大者馬牙半支俱
生陰山谷中 治疔腫火毒痔漏神效

馬牙半支 一名醬瓣半支鐵梗半支又名山半支生石壁上葉大叢生圓如醬中豆瓣故名○百草鏡
云醬瓣半支又名旱半支葉如醬中豆瓣生石上或燥土平曠皆有之蔓生二月發苗莖微方作水紅
色有細紅點子經霜不彫四月開花黃色如瓦松山左人以為菜茹○江獻祥云此有二種有紅梗青

梗之別治婦人赤白帶第一妙藥赤帶用赤梗者白帶用白梗者採得搗汁半酒盞酸迷迷草亦有赤
白二種亦帶用赤者白帶用白者搗汁半酒盞和勻加紹酒半盞煮熟一服即止永不復發 性寒消

癰腫治溼熱利水和血腸癰痔漏 治蛇咬疔疽便毒風痹跌撲黃疸擦汗斑尤妙○百草鏡跌撲用
醬瓣半支一握搗汁陳酒和服 絕瘡 家寶方醬板豆草六月六日雞鳴時采略洗蒸熟一日曬乾

不乾焙之每一匊配老薑一匊磨細收貯一日者一錢二日者二錢三日者三錢酒調服後飲酒至
醉為妙合時忌雞犬婦人見之神效 狗咬 以酒洗淨瘡口血搗醬板半支罨上一二日即癒而愈

王小靜試驗 瘰癧 金養滄云馬牙半支作菜常服多年瘰癧皆消屢試屢驗 治急痧 用醬瓣
草陰乾每服三錢水煎服 治淋疾 奇方類編用芝麻一把核桃一個石上馬牙半支共搗碎生酒

沖服 治水厥 汪連仕云取醬瓣草搗合麝香貼臍眼如人行五里其水即下

狗尾半支 百草鏡云生頽垣牆側人家荒圃中尤多俗呼狗尾草葉如茅六月開花形如狗尾採取花

草部 鼠牙半支 至真珠草 三十三 上海錦章書局石印

莖下截陰乾用網目狗尾草下止載穿疣目去芥眼惡血而不言別功用故爲補之 治疔癰癬面上生癬取草數莖揉軟不時搓之卽愈 風粟癩疹 狗尾草莖刮出瘀血避風數次自效見杭集三方 羊毛癩 家賣方一名羊毛痧以狗尾草煎湯內服外用銀鍍挑破紅瘰用麻線擠出瘰中白絲如羊毛狀者卽愈否則服死

金雞獨立草

散喉風 採藥志云散喉癰之聖藥 敏按此卽翠羽草宜併

神仙對坐草

一名蜈蚣草山中道旁皆有之蔓生兩葉相對青圓似佛耳草夏開小黃花每節間有二朵故名按外科全生云此草梗葉長青經冬不衰殊不知春生秋死不衰之說謬矣○百草鏡云此草

清明時發苗高尺許生山陽陰處葉似鵝腸草對節立夏時開小花三月採過時無○王安采藥方一

名地蜈蚣

黃疸初起又治脫力虛黃○百草鏡用神仙對坐草三葉白荷包草平地木茵陳各三錢

水煎分三服早中晚下一服全愈脫力虛黃五劑 祝氏效方洞天仙草膏用之又毒蛇咬搗此草汁飲以渣罨傷口立愈 一切疝氣 劉羽儀驗方仙人對坐青木香二味搗汁沖酒服立效 治反胃

噎隔水腫臃脹黃白火疽疝氣陰症傷寒 王安

紫羅襪

白花者良產溪澗者尤佳其根入藥不可多服令人吐瀉傷胃氣 治臃脹腫滿清利水道土

產者治跌打損傷取根搗酒服少許 汪連仕採藥書

龍鬚草

野蕭草 烏龍鬚 一名又雞草綠袍草鐵線草鐵線筒人字草似扁蓄而小細圓與綱目石龍

芻別○百草鏡云生山澤穀雨後發苗與野蕭草相類但蕭草之葉直上此草橫生布地小滿時抽莖開花青細○德勝堂傳方棒旋草亦名了雞草治跌打○汪連仕方甌人以此織蕭有石龍芻草龍芻

之名後訛芻爲鬚土產者卽又雞草又名鹿跑草治一切瘡疥至真織蕭龍鬚其性溫和散風火大理

溼熱 治口咽諸毒火症牙痛

野蕭草

生山澤水旁較蕭草稍短細亦名龍鬚草清明後生苗小滿時開花細小根類竹根黑色入藥

取根用

止血崩風氣疼痛鶴膝風遺酒煎服湯煎洗出汗草藥鑑利溼熱治瘰淋精濁崩中溼痹

鼻腫炸腮

明目疣瘡口咽諸毒火症鶴膝風百草鏡療癰瘰核王用子鼻中不時出血野蕭草根煎服

一盤珠

齒牙疼痛動搖欲落者○仁惠方用野蕭草根煎湯代茶服一二日牙疼自止永不發齒

牙動搖者亦堅固如石

烏龍鬚

徐一士云有鄉人行野田中見老烏柏樹上挂生細長草一叢如燈心狀下垂一道土指謂曰

此名烏龍鬚乃五福星所照在樹而生此取曬藏之可治痼疾一切血症鄉人如其教後用頗驗 治

真珠草與茶調真珠菜異

臨症指南云珍珠草一名陰陽草一名假油柑此草葉背有小珠晝開夜閉

高三四寸生人家牆腳下處處有之癸亥子寓西溪看地見山野間道旁有小草葉如槐而狹小葉皆生小珠如鳳仙子大藥崇直綴經霜輒紅詢土人皆不識偶歸閱指南始悟此卽眞珠草也薄暮取視其葉果閉 治小兒百病及諸疳瘦弱眼欲盲皆效爲末白湯下或蒸煮魚肉食指南

九龍草 百草鏡云生石上蔓延丈餘節處生根苗頭極多葉絨細青色又名九頭獅子草又名金釵草

按綱目九龍草僅於雜草內附見而所引楊清叟外科方一條述其苗葉尙是此草至云生紅子如楊梅則誤矣 性溫行血脈治風痺跌撲損傷雙單蛾痛風 癩癰 家寶方九龍草搗同醬板卷 除

臭蟲 經驗廣集取九頭獅子草放牀四角每角用二三顆置草薦下任其自乾去臭蟲神妙 紅白

蛇纏 王氏秘方九龍草焙存性麻油調搽周氏家寶治毒蛇咬用九龍草搗汁半盞雄黃二錢酒沖服痛止此草生紅子如楊梅樣搗汁亦可治喉痛按此則楊清叟外科所載形狀同或名同物異與獅

子草迥殊並存以俟考

石打穿 鐵兜帶 葛祖方一名龍芽草石見穿地胡蜂地蜈蚣○百草鏡地蜈蚣與神仙對坐相似惟葉

上有紫斑爲別且神仙對坐草之花每節兩朵此則攢聚莖端或三四或五六相聚爲別疑卽石見穿

○龍芽草生山土立夏時發苗布地葉有微毛起莖高一二尺寒露時開花成穗色黃而細小根有白

芽尖圓似龍芽頂開黃花故名金頂龍芽一名鐵胡蜂以其老根黑色形似之又一種紫頂龍芽莖有

白毛葉有微毛寒露時抽莖開紫花成穗俱二月發苗葉對生貼地九月枯七月採○按石打穿綱目

於有名未用下列之只言止痛大風癱腫不言他用而葛祖遺方載其功用甚廣並有諸名考之百

草鏡龍芽二種與地蜈蚣俱非一物論其功用石打穿治黃疸地蜈蚣治跌撲黃疸故百草鏡因其用

相同於地蜈蚣下註疑卽石打穿於龍芽草下註亦名石見穿治下氣活血理百病散痞滿跌撲吐血

崩痢腸風下血明明二種功用各異不知葛祖方何以混爲一此書傳自明末或有舛訛或有的識未

敢妄議附識於此以俟再考○敏按蔣儀藥鏡拾遺賦云滾咽膈之痰平翻胃之噉石打穿識得者誰

註噎膈翻胃從來醫者羣相畏懼以爲不治之症余得此劑十投九效不啻如饑荒之粟隆冬之

裘也乃作歌以誌之歌曰誰人識得石打穿綠葉深紋鋸齒邊闊不盈寸長更倍圓莖枝抱起相連秋

發黃花細瓣五結實匾小鍼刺攢宿根生本三尺許子發春苗隨弟肩大葉中間夾小葉層層對比相

新鮮味苦辛平入肺臟穿腸穿胃能攻堅採掇莖葉搗汁用蔗漿白酒佐使全噎膈飲之痰立化津嚙

平復功最先世眼愚蒙知者少岐黃不識名浪傳丹砂句漏葛仙事余愛養生著數言據歌中所言形

狀則又似鐵笊箒故並存其說而附錄之○癸丑余親植此草於家園見其小暑後抽莖屆大暑卽著

花吐蕊抽條成穗儼如馬鞭草之穗其花黃而小攢簇條上始悟馬鞭草化紫故有紫頂龍芽之名此

則花黃名金頂龍芽與地蜈蚣絕不相類因此草亦有地蜈蚣之名故百草鏡疑爲石見穿也○李氏

本草綱目合卷 卷五 草部 九龍草 石打穿 鐵兜帶 狗卵草 三十四 上海錦章書局石印

草秘石見穿生竹林等處葉少如艾而花高尺許治打傷撲損膈氣則石見穿之葉如艾又與石打穿之葉深紋鋸齒不伴矣 葛祖方消宿食散中滿下氣療吐血各病翻胃噎膈痲疾喉痹閃挫腸風下血崩痢食積黃白疔疔腫癰疽肺癰乳癰痔腫 乳癰初起 百草鏡龍芽草一兩白酒半壺煎至半

鐵筲箒 山間多有之綠莖而方上有紫線紋葉似紫頂龍芽微有白毛七月開小黃花結實似筲箒形

能刺人手故又名千條鍼○百草鏡芒種時開花成簇○種福堂方鐵筲箒即石見穿細目馬蘭子亦

名鐵筲箒其葉似薤根如刷帚與此全別草實云鐵筲箒葉似紫頂龍牙而無毛為別七月開小黃花

結實類筲箒能刺人手故名黃疔用此草乾者一兩白酒煎服四五劑即愈 治風痹血崩黃疸吐血

跌撲鬼箭風如神搗敷肩癰鶴膝風鮮者連根葉如秋冬根老取葉汁加飛麩調勻包紮煎湯浴瘡疥

立愈 治風痹鶴膝等風○茅崑來效方鐵筲箒三兩龍眼肉半觔酒煮飲○又方鐵筲箒白毛藤地

蘇木龍芽草蒼耳草各一兩酒煎服五劑 風痹藥酒○救生苦海云并治跌打瘋腫鐵筲箒八角金

盤根白毛藤蘇木絡石藤各一兩酒浸十日用 跌打傷 金居士選要方用鐵筲箒三兩酒煎服兩

症 蔣雲山傳方石打穿草按月取草頭一個如三月三個月四個月以月分為多寡之數搗汁同人

乳羊乳汁攪勻服立效 面上斑靨 朱子和方取鐵筲箒地上自落下葉并子煎湯澄清洗面三四

次其斑自消 鶴膝風 種福堂方石見穿草用根梗俱紅色者佳連枝俱用如秋冬根梗俱老止用

葉半分俱要當日取新鮮者隔宿勿用同鐵筲箒草一分加飛麩少許同打紫藤眼內

狗卵草 一名雙珠草生人家頽垣古砌閒葉類小將軍草而小穀雨後開細碎花極間結細子似腎又

類椒形青色微毛立夏時採○百草鏡云蔓延而生喜生土牆頭二三四五月無二月發苗乃小

草也三四月間節極中結子形如外腎內有兩細核性溫治疝氣行下部發大汗為妙治腰痛 疝氣

澹寮方 用狗卵草鮮者二兩搗取汁白酒和服飢時服藥盡醉蒙被暖睡待發大汗自愈此草性

溫能達下部如無鮮者須三四月預採曬乾存貯倘用乾者止宜一兩煎白酒加紫背天葵五錢同煎

更妙○庚戌子館臨安署後荒圃多生此草驚蟄後發苗似小將軍而葉較小色亦淡綠春分後即開

花細碎藕合色節極輒有花結子如狗卵頗壯滿可觀其草蔓地千百穗併一根立夏後多槁子同舍

許氏子鬢年患疝發輒作厥以此草煎酒服後永不復發

一粒金丹 一名洞裏神仙又名野延胡江南人呼飛來牡丹處處有之葉似牡丹而小根長二三寸春

開小紫花成穗似柳穿魚結子在枝節間生青老黃落地復生小枝子如豆大其根下有結粒年深者

大如指小者如豆一種黃花者乃蒿屬根上亦無子採取不可誤用 治跌打損傷風氣消癰腫便毒 瘰癧天蛇毒鴉翅毒搗敷火丹痔腫風痹閃肭腰痛 腫毒初起 百草鏡取一粒金丹根上子一兩

搗汁陳酒和服并治癩癧初起

兔耳一枝箭獨葉一枝鎗 金邊兔耳 兔耳酸 生陰山腳下立夏時發苗葉布地生類兔耳形葉厚

邊有黃毛軟刺莖背俱有黃毛寒露時抽心高五寸許上有倒刺而軟即花也每枝只一花故名一枝

箭入藥用綿裹煎恐有毛戟射肺令人咳○百草鏡兔耳一枝箭葉如橄欖形邊有鉞刺只七八葉貼

地生八月抽莖高近尺許花如相穗而有萌刺莖葉有毛七月採有小鹿銜銀茶匙忍冬草月下紅等

名○汪連仕云兔耳箭初生苗名金茶匙入血分止吐血治肺癰王安采藥方葉底紅者名金茶匙

性寒味苦行血涼血入肺經清肺火治吐血勞傷調血最效為怯弱要藥肺癰肺痿黃疸心疾跌打風

氣傷力欬嗽咯血腫毒 腸癰肺癰縮腳癰 慈航活人書用白石楠葉嫩腦十二箇兔耳草二兩好

酒煎服肺癰二服腸癰縮腳癰一服即愈 骨蒸勞性 吳普仁方用兔耳一枝箭蒸鷄服

獨葉一枝鎗 生深山四五五月間土人採得入市貨之長二三寸一莖二梗一梗一葉葉如兔耳又似箭

頭一梗細尖如新抽竹萌故名○百草鏡獨葉一枝鎗生山原清明時發苗穀雨後死長二三寸一葉

一花葉如橄欖花似錐鑽 味甘淡功用與一枝箭同○朱煥齋任城日記諸毒蟲咬以獨葉一枝鎗

草生擦之即愈

金邊兔耳 形如兔耳草貼地生葉上面淡綠下面微白有筋脈綠邊黃毛茸茸作金色初生時葉稍捲

如兔耳形沙土山上最多 味甘淡治虛勞吐血

兔耳酸 汪連仕草藥方即穿地鈴治跌打損傷

金線釣蝦蟆 蔓生田野山石間葉似二角風光潤帶青黃色根名金線釣蝦蟆又名獨腳螞蟥亦名金

線重樓準繩繩痘毒方中用之非綱目草河車及蚤休也○丹房本草金鈴草一名挂金藤亦曰金線釣

蝦蟆其子狀如鈴折斷莖液如乳汁取自然汁伏雄制硫其霜可煉雌煮汞○百草鏡金線釣蛤蟆生

山土莖蔓紅細根大葉類金鎖匙芒種時開花如穀精花採根入藥按防己亦與此相似但根形不似

蛤蟆莖不甚紫葉不甚圓有尖歧葉中蛛網紋不明不多為別○草寶云金線重樓生陰山腳下根有

疙瘩形類蟾蜍入土不深剗土易取其性涼乃吐藥也小滿時發苗蔓延紫色葉不相對類黃龍藤而

柔軟葉上有蛛網紋甚明若葉不圓而微尖紋不明莖不甚紫形不類蟾蜍者乃防己非重樓也○汪

連仕草藥方紅線者是金線釣蝦蟆青莖者乃漢防己○王聖俞云重樓根儼如三足蟾其根旁又生

根結蟾蜍年久者掘得一本之下根有數十蟾蜍纍纍橫掛其力最大○趙貢菽云金線釣蝦蟆生者

力大乾者稍次凡大毒服之必吐人多懼畏勿用然吐後其病如失毒即內消凡發背毒氣攻心非此

不治若小毒斷不可用因藥力性大不能相當也不能相當則有偏勝之害 性平味苦消癰去風

散毒 百草鏡根性涼托癰疽追散腫毒治瘰癧為外科聖藥○採藥志治腸癰追風敗毒○葛祖方

吐痰涎可代瓜蒂○扁鵲心書金線重樓俗名金線釣蝦蟆采得去外黑皮用石槌打碎勿犯鐵器曬乾為末小磁瓶收貯凡遇一切要吐痰涎之症用代瓜蒂最妙風痰結胃用一錢陰陽水和服傷寒成瘧用一錢臨發空心水和服禁口痢用一錢涼水服忌鐵器 跌撲傷 張氏傳方取根搗汁酒和服渣敷 葉名天膏藥 貼腫毒破爛能拔毒收口拍熱貼毒能拔毒水外出酒煎服治心疼磨水搽痔煎膏貼百病○汪連仕草藥方天膏藥治疔瘡惡毒流注痺毒鼠瘻合生酒搗服敗毒功多食之令人吐瀉

雞蠶草 此草深秋有開紫花子如椒核處處原隰皆有葉如些麻葉而氣臭故名雞蠶必效方云海甯沈清芝患風毒穿流五六處疼痛異常覓此草服之一劑即愈 治風毒流火取一握煎酒吃或入酒煮一炷香去渣服俱效

老君鬚 百草鏡云此草立夏後發苗葉似何首烏微狹對生莖與葉俱微有白毛不似何首烏莖葉之光澤根類白薇白色極多故名入藥用根○王安採藥錄老君鬚生溪澗邊起藤二三尺梗青根鬚白黃色有數十條能消痞○按王三才醫便云老軍需春夏秋冬常有青出眾草為尊莖藤青葉似檳葉而尖小根如鬚白似芋頭根牽藤而去俗名社公口鬚亦治腫毒採根搗生酒服渣敷患處 味辛性熱破瘀毛氏癰痺方用之治瘰癧 治痞結 醫便痞結年久成癰髓者累用極效用老軍需一味春夏

用莖葉秋冬用根不拘多少用好生酒一罐外用鯽魚一雙和藥同入罐內日落時煮以魚熟為度令患人先食魚次飲酒再以藥渣撲痞結所至次早去之大小便見物下即效如不應連服三五次追其物無跡而神效難言 余曉園云治風痺消血痕面黃痞塊 汪連仕云老君鬚根細如白薇理氣消腫通利關節敗毒消癰俱以酒煎服 王安采藥方金釵草根名老君鬚合龍虎丹用治三十六種風症癰瘰鶴膝等風

葛公草 傳信方云葉似蛇卵草又似吉慶子面青有蒙背白色三葉分枝梗似薔薇有刺四月間結子取根用子亦可入藥 治血症傳信方云將葛公根一兩忌鐵器用木擊碎以水二大盃煎作一盃加好酒一盃再煎至茶杯八分臥時服服後蓋暖周身以手磨腎膈臍腹數遍明晚如前再服一兩後日亦如前服一兩連服三日愈 葛祖方葛公草一名家母藤治脚氣腫疼沙木槌搗汁熬成膏鵝翎掃患處乾即潤之

芸香草 職方考出雲南府能治毒瘡入夷方者搗以自隨如嚼此草無味即知中蠱急服其汁吐之可解○按雲南志出昆明有二種五葉者名五葉芸香非葉者名非葉芸香治瘴瘧 藥性考云生成五葉產昆明治瘡毒等疾專能解蠱搗汁服之非葉芸香能截瘴瘧夷人多邪蠱搗此草嚼之無味即知中毒 雲南志解蠱治毒瘡一切瘡毒瘴瘧並搗汁服 藥性考味辛治症同

鏡面草 滇南志出滇中能通血脈○按此草今處處有之多生階砌石畔葉如指而大而圓其邊微作

碎齒葉面光如鏡深綠色土人呼爲蟾兒草又名地連錢不見開花止見葉而已亦呼鏡面草不知滇中所產卽此類否 性涼治肺火結成膿血癰疽採藥志月閉和做葷煎酒服 滇南志

石將軍 一名紫羅毯秋時開花有紫色圓暈生高山石上立夏後生苗葉類龍芽草略小對節高不過

尺根本勁細似六月雪○謝雲溪云西湖鳳凰山有之生石岸旁者入藥地土上生者太肥治症不能卽驗葉如柘木對生方梗紫色高尺餘開細紫花成毯能活血疎風消痰散腫 味淡性平治一切跌打損傷血瘀不散搗汁服之或以水酒同煎如風寒閉塞或癰疽初起服之俱效

五葉草 此卽燒人場上草也程雲來卽得方名五葉草亦不載形狀 能移痘後眼翳用此草搗如豆大一小餅如左眼有翳貼右眼角肉上其翳卽移至右眼再用此餅貼左眼角肉上其翳移至鼻梁內卽去此餅翳膜便除

蛇草 諸羅志形似菠薐開小白花 按綱目有蛇眼草生古井及年深陰溼地形如淡竹葉葉背有紅圈如蛇眼狀搗敷治蛇傷未知卽一物否附以俟考治蛇傷連根搗卷傷口仍煎泡酒服立愈 汪連仕采藥書蛇眼草產鄉間蘆叢水澤旁甚多治一切蛇傷疔痔俗呼蛇口半枝蓮又名落得咬

千年健 朱非山柑園小識千年健出交趾近產於廣西諸上郡形如藤長數尺氣極香烈可入藥酒風氣痛老人最宜食此藥忌萊菔 壯筋骨浸酒同鑽地風虎骨牛膝甘枸杞二蠶沙草解作理風用止胃痛酒磨服

蜈蚣萍 生溪澗田港止水中若流水則不生形如蕨其中一莖兩旁細葉攢對似蜈蚣狀故名葉頗糙澀不似浮萍之光澤綱目水藻集解下有馬藻葉亦對生形亦微似而實非一物蓋藻可食此則不可食故主治亦別也俗呼邊箕萍○羣芳譜麻藻萍之異種長可指許葉相對聯綴不似萍之點點清輕也按麻藻卽今蜈蚣萍 治蝨 同壽錄蜈蚣萍曬乾燒烟熏之則一切跳蚤壁蟲皆除

老鸛草 龍柏藥性考補遺出山東 味苦微辛去風疎經活血健筋骨通絡脈損傷痺症麻木皮風浸酒常飲大有效或加桂枝當歸紅花芍藥等味入藥用莖嚼

鬼香油 汪連仕草藥方鬼香油細葉者名天香油連根葉搗汁其味如香油故名○李氏草秘鬼香油苗葉如香蒿 一人大腿腫痛二三月有膿內潰不得出垂危卷上卽破膿出數服而愈以此草汁調敷藥尤妙 治諸癩腫毒冬瓜癰附骨疽李氏草秘冬瓜癰附骨疽用此草加甘草一錢入醬板鹽花

搗爛有效潤肌膚滋顏色敗瘡毒土人止蛇咬蜂螫毛傷取葉搽之汪連仕草藥方

肥兒草 龍柏藥性考補遺產廣西平樂縣 治小兒一切疾及痧脹需爲要藥

玉釵草 李氏草秘此草對葉圓梗生近田水溝中 治打傷跌腫損折搗汁服之覺諸腫毒 汪連仕

本草綱目合遺 卷五 草部 鏡面草 至香蕉 上海錦章書局石印

采藥書草裡金釵開黃花細莖獨苗直上如醒頭草治金瘡活血白濁遺精開白花者草裡銀釵白玉
釵草治婦女白帶白淫合生白酒煎服

石蛤吧

百草鏡生山土根皮色紅入藥用根○周維新云石蛤吧乃映山紅之根○花鏡云山躑躅俗

名映山紅類杜鵑花而稍大單瓣色淡若生滿山頭其年必豐稔有紅紫二色紅者取汁可染物○李
氏草秘石蛤吧苗長二三尺莖方葉似竹葉根形如蛤吧堅如石○敏按汪連仕方映山紅根名翻山
虎土人呼搜山虎治癩痺能拔根醫風合巴山虎蒸酒服名二虎丹核其功用雖不甚懸殊而究其形
狀的非一種當以李氏草秘所載爲是 煎洗梅毒瘡能消風塊 風氣痛 祝穆效方地蜈蚣草石蛤

吧草各等分紹酒煎服 腸癰

景岳新方腸癰生於小肚角微腫而小腹隱痛不止者是若毒氣不

散漸大內攻而潰則成大患急宜以此藥治之先用紅藤一兩許以好酒二盃午前服一服醉臥之午後

服紫花地丁一兩許亦如前煎服服後痛必漸止爲效然後再服末藥除根○末藥方用當歸五錢蟬

退疆蠶各二錢天龍大黃各一錢石蛤吧五錢老蜘蛛二個新瓦上以酒杯蓋住外用火煨乾存性同

諸藥爲末空心用酒調服一錢許逐日漸服自消經驗廣集石蛤吧用葉 禿瘡 不藥良方云卽肥

瘡日久延蔓成片髮焦脫落又名癩頭瘡先以艾葉鴿糞煎湯洗淨瘡痂再用豬肉湯洗之隨用躑躅

油以躑躅花根四兩搗爛用菜油一盃煎枯去渣加黃蠟少許布濾候冷以青布蘸搽日三次種帽戴

之勿令見風散毒能令癢止髮生久搽自效 疔腫諸毒○李氏草秘石蛤吧用酒磨服少得入口垂

死可生有此則不愁疔瘡之患諸腫毒醋磨敷之

香蕉

皇華紀聞粵地溼熱人多染麻瘋所居室人不敢處必種香蕉木本結實者於院中一二年後其

毒盡入樹中乃敢居

兩廣雜志蕉種甚多子皆甘美以香牙蕉爲第一名龍彌彌者乳也言若龍

之乳不可多得然食之寒氣沁心頗有邪甜之目其葉有珠砂斑點植必以木夾之否則結實時風必

吹折故又名折腰娘凡蕉葉必三三開則三落落不至地但懸挂莖間乾之可以作書花出於心每一

心輒抽一莖作花間雷而坵坵者如倒垂菡萏層層作卷瓣瓣中無蕊悉是瓣漸大則花出瓣中每一

花開必三四月乃闔一花闔成十餘子十花闔成百餘子小大各爲房隨花而長長至五六寸許先後

相次兩兩相抱其子不俱生花不俱落終年花實相代謝雖歷歲寒不彫子經三四月始熟粵人嬰兒

乳少輒熟蕉子飼之又以浸酒味甚美其蕉心嫩白可爲葷綱目芭蕉條下所載各類於香蕉獨未明

晰今依粵志補之收麻瘋毒 五雜俎鳳尾蕉其本蠱巨葉長四五尺密比如魚刺然高者亦丈餘又

有番蕉似鳳尾而小相傳從琉球來者云種之能辟火患是水精也枯時以鐵屑糞之或以鐵釘釘其

根上則復活蓋金能生水也植盆中不甚長一年纔落下一葉計長不能以寸亦不甚作花予種之三

十年僅見兩度花其花亦似芭蕉而色黃不實

鐵樹葉 出東洋船上帶來葉如篋箕生兩旁作細尖瓣嗅之有清氣似梅花香○較羣芳謂鐵樹出海南閩廣多有之其花狀如鐵絲燈籠廣張千瓣瓣各一花程扶搖花鏡鐵樹葉類石楠質理細厚翰葉

皆紫黑色花紫白如瑞香四瓣較少團一開翠月不彫嗅之乃有草氣海南人言此樹黎州極多有一

二尺長者葉密而花紅樹儼類鐵其枝極穿結甚有畫意入盆玩最佳但人罕見故稱奇耳橫州馴象

衛殷指揮買家有鐵樹每遇丁卯年開花而出五臺山者定以六月十九日開花楊萬里詩注鐵樹葉

似蕩而紫輪如密節莖蒲似此諸說同一鐵樹而開花與枝葉又不同如此今洋中帶來及世俗所用

入藥之鐵樹葉形如篋箕據云其樹須壅以鐵屑乃盛則香蕙葉也以其食鐵故亦名鐵樹其性亦平

肝取其相制為用亦頗驗謝肇浙五雜俎番蕙能辟火患將枯時以鐵屑糞之或以鐵釘釘其根則復

活蓋金能生水也種盆中不甚長一年纔落下一葉計長不能以寸亦不甚作花三十年僅見兩度花

耳花亦似芭蕉而色黃不實羣芳譜鳳尾蕉一名番蕉產於鐵山如少萎以鐵燒紅穿之即活平常以

鐵屑和泥壅之則茂而生子分種易活江西塗州有之花鏡鳳尾蕉一名番蕉產於鐵山江西福建皆

有葉長二三尺每葉出細尖瓣如鳳尾之狀色深青冬亦不彫如少萎黃以鐵燒紅釘其本上則依然

生活平常不澆壅以生鐵屑和泥壅之自茂且能生子分種易活極能辟火患人多盆種庭中以為奇

玩友人唐振聲在東甌見鳳尾蕉土人皆呼為鐵樹則知今人所用及洋船帶來之葉皆番蕉葉而非

真正鐵樹葉也瀕湖於臨草部祇列甘蔗蕙荷而於虎頭鳳尾等蕉概不及焉或當時未有知其性者

今錄之以補其缺平肝統治一切肝氣痛 難產 鐵樹葉三片煎水一盃服之即下 指南

鐵樹 家寶真傳云亦名鐵連草生於鐵山銅壁之上又鐵石之上亦生並非草本形如屏風狀如孔雀

尾分張黑色細枝刀砍不斷各之乃折 治一切心胃及氣痛煎湯服立愈 藥性考鐵樹黑色葉類

石楠逢丁卯年開花四瓣紫白色形如瑞香圓小不種樹高數尺止血下痰其花入採以治痰火 留

青日札鐵樹花海南出樹高一二尺葉密而紅枝若鐵色生於海底諺云鐵樹開花喻難得也

虎頭蕉 出福建臺灣五虎山者佳一莖獨上葉抱莖生不翻對形類蕉而小苗高五六寸秋時起莖開

花似蘭色紅結實有刺類蒺藜子外面苞狀若高三四尺者名美人蕉條一類二種也今閩沙縣亦出

草寶虎頭蕉性溫力猛有毒能治風痺凡服者不得過二錢服後須避風倘不謹慎必發風疹 治風

痹性熱去風 治血淋白帶一切吐血 舟車經驗方用芭蕉一大片入鍋內炒乾存性為末黃酒調

服立效此方亦治一切吐血若用美人蕉更妙

藜草 宦遊筆記南人呼為藜麻北人呼為蠟子草黔境遍地有之葉類麻多毛刺觸之墮入腫痛不可

忍此毒甚於蜂蠆蠅蝮墨莊漫錄川陝間有一種惡草羅生於野其枝葉拂入肌肉即成瘡痂浸淫潰

爛久不能愈即藜麻也白香山詩颺風千里黑藜草四時青此草有花無實雪下猶青散也人海記塞

本草綱目合費 卷五 草部 鐵樹葉 鐵樹 虎頭蕉 藜草 三十七 上海錦章書局石印

山有毒草中人肌膚甚毒甚蜂蠆自唐山營踰汗鐵木嶺外遍地有之俗名蠟子草蘆高四五尺葉如蕨嫩時可供馬秣經霜則辛齏不可觸網目尋麻條止載其塗蛇毒黠風癩他皆未及悉補之 浴風采取煮汁洗亦可肥豕

解暈草 卽廣東萬年青 今人呼爲廣東萬年青葉如建蘭而深厚入冬不彫初茁芽青紫色長則色

青夏開紫花成穗亦如麥冬狀其根有子分苗種極易繁茂以其出自粵中故名綱目有名未用吉祥

草下瀕湖所引吉祥草卽此也亦呼吉祥草時俗婦臨蓐以此草遵盆移至產室云能解產厄及血暈

此草色澤翠潤葉葉勁直如箭入產室則葉皆軟垂色亦稿瘁必經數月乃復鮮豔亦一奇也其根下

子入藥用 海甯周世任云此草根下子大冷子宮凡婦欲斷產取子百粒搗汁服承不再孕矣 性涼

味甘理血清肺解火毒爲咽喉七十二症要藥 治急驚 活人書用洋吉祥草根搗汁加冰片少許

茶匙灌下三匙立甦 萬年青 一名千年蓋開葉叢生每枝獨瓣無歧梗葉頗青厚夏則生蕊如玉黍狀開小花叢綴蕊上入

冬則結子紅色性善山土人家多植之浙婚禮多用之伴禮函取其四季常青有長春之義○百草鏡

四月八日浴佛日杭俗人家植萬年青者多翦其葉棄擲街衢云令人踏之則易長且發新葉茂密入

藥采葉陰乾煎洗坐板痔瘡極效勝於他日采者土宿本草雁來紅萬年青皆可制末 甘苦寒治咽

喉急閉搗汁入米醋少許灌之吐痰而愈葉鏡云其根多作草熏氣入腹令人嘔吐子可催生從新乳

香湯吞一粒男女右手手中帶出藥性考云味苦微甘解毒清胃降火能止吐血同紅棗七枚劈開煎

飲用嫩葉陰乾根療喉痹以養心葉短尾圓者眞 白火丹 祝氏效方萬年青搗汁服 痔漏○家

寶方萬年青葉取汁如無汁卽用根水少許同搗取汁搽 老幼脫肛 慈航活人書萬年青連根煎

湯洗川五倍子末敷上立效 一切跌打損傷 活人書山芝麻椽栗樹花萬年青花鐵腳威靈仙汁

爲丸黃豆大每服一丸陳酒下 頭風 嵩崖雜記霹靂丹治頭風卽神用萬年青根削尖礮砂塞

鼻孔內左塞右右塞左兩邊痛者齊塞神效取清水鼻涕下須一週時妙 脫毒 德勝堂傳方用萬

年青磨塗渣罨皆妙 陰囊大 用萬年青根搗汁熱沖陳酒服三次卽愈 痔瘡腫痛難行 活人

書豬腿骨去兩頭同萬年青入砂鍋內水煮一炷香乘熱蒸溫洗日三次數日愈永不發 總喉風

經驗單方用萬年青根頭切碎打爛絞汁灌下吐出痰涎卽好倘口閉用牙刷挖開灌下不吐再搗髮

相進喉間搽之 汪連仕云萬年青俗呼冬不彫草治瘡毒收溼熱洗脚氣湯泡火傷天泡瘡白蛇纏

搗汁搽 王安采藥方治中滿盪脹黃疸心疼哮喘咳嗽跌打傷 李氏草秘萬年青今酒肆多種之

能解眼盪治火丹爲末酒服一二錢卽愈又治噎膈 仙半夏各種藥類 近日諸醫皆用之藥肆亦多製備相傳製法係仙人所傳故名仙半夏能化痰如神

若不信將半夏七八粒研入痰盃內卽化爲清水其法用大半夏一觔石灰一觔滾水七八盞入盆內攪涼澄清去渣將半夏入盆內手攪之日曬夜露七日足撈出控乾用井華水洗淨三四次泡三日每日換水三次撈起控乾用白礬八兩皮消一觔滾水七八盞將礬消共入盆內攪涼溫將半夏入內浸七日日曬夜露足取出清水洗三四次泡三日每日換水三次取出控乾入後藥甘草南薄荷各四兩丁香五錢白荳蔻三錢沈香一錢枳實木香川芎肉桂各三錢陳皮枳殼五味子青皮砂仁各五錢石共十四味切片滾水十五盞涼溫將半夏同藥入盆內泡二七日足日曬夜露攪之將藥取出與半夏同白布包住放在熱坑用器皿扣住三炷香時藥與半夏分胎半夏乾收用有痰火者服之一日大便出似魚膠一宿盡除痰根永不生也綱目半夏條附方載法製半夏其製法與此不同今藥肆所售仙半夏惟將半夏浸泡盡去其汁味然後以甘草浸曬入口淡而微甘全失本性名曰仙半夏並非照方製法醫家亦視虛人有痰者用之以爲性平和而不傷於燥烈是無異食半夏渣滓何益之有 清痰開鬱行氣理痹痰疾中風不語研七八粒同井華水送下以手摩運腹上一炷香時卽醒能語敏按翼雲林云仙方製半夏化痰成水皆治壯人痰火有餘之症服之有效虛人痰火忌服 各種半夏麴綱目半夏修治條引韓飛霞醫通造半夏麴云能專治各病又不載其製法特爲補之 生薑麴 薑汁浸造治淺近諸痰 礬麴 礬水煮透兼薑和造最能卻水治清水痰也 阜角麴 煮阜角汗煉膏和半夏末爲麴或加南星稍加麝香治風痰開經絡 竹瀝麴 用白芥子等分或三分之一竹瀝和成略加麴和治皮裡膜外結核隱顯之痰 麻油麴 麻油浸半夏浸五日炒乾爲末麴和造成油以潤燥治虛軟內熱之痰 牛膽麴 臘月黃牛膽汁略加熟蜜和造治癩癩風痰 開鬱麴 香附蒼朮無芎等分熬膏和半夏末造成治鬱痰 消黃麴 用芒消十分之三同麴煮透爲末煎大黃膏和成治中風卒厥傷寒宜下由於痰者 海粉麴 海粉雄黃居半夏之半煉蜜和造治積痰沈痼霞天麴 用黃牛肉煎汁煉膏名霞天膏將膏和半夏末爲麴治沈疴痼痰以上諸麴並照造麴法草

盒七日待生黃衣懸掛風處愈久愈佳

建神麴 范志麴 白酒藥麴附 出福建泉州府開元寺造者佳此麴採百草卷成或又名百草麴以黑青色煎之成塊不散作清香氣者眞色帶黃淡者曰貢麴力和平不及青黑者力大此麴愈陳愈妙藥性考泉州神麴微苦香甘搜風解表調胃行痰止咳瘧痢吐瀉能安溫疫嵐瘴散疹消斑感冒頭痛食滯心煩薑煎溫服或二三錢造云百草法秘不傳得名范志塊造方端用之應效饋遠人歡○蔡氏藥帖云治風寒暑溼頭眩發熱表汗立愈能消積開胸理膈調胃健脾及四時未定之氣兼能止瀉消腫及飲食不進等症又能止霍亂吐瀉咳嗽赤白痢疾小兒傷饑失飽一切症倘外出四方不服水土瘴氣肚痛皆取效如神○范志齋蔡協德住泉州府城西街東塔前向造百草神麴卽今建麴每個重

半筋或四兩乾隆辛卯五月蔡氏正造麴忽有一客至視百草而歎曰當今男婦老幼秉氣衰薄百草恐傷元氣予有奇方共藥九十六味配合君臣佐使另加十二味青草紫蘇薄荷等物搗爛煎湯合共一百零八味製為小方塊每塊一兩按端午及六月六日諸神會聚皆可依法製造藥性平和氣味甘香遠行者宜備可以代茶常服大人每服三錢水一盃煎七分小兒每服一錢五分水一茶鍾煎六分半饑飽時服忌生菜惟孕婦不可服此藥切片煎湯藥渣不散須認形色淡黃者為真○福建泉州府城內范志吳亦飛馳名萬應神麴氣味中和清香甘淡能搜風解表開胸快膈調胃健脾消積進食和中解酒止瀉利水治四時不正之氣感冒發熱頭眩咳嗽及傷食腹痛痞滿氣痛嘔吐泄瀉痢疾飲食不進等症痘疹初發用托邪毒又治不服水土瘴氣瘡疔外出遠行尤宜常服大人每服三錢水一湯盃煎七分小兒每服一錢半或一錢水一大茶鍾煎七分每錢破作五六塊外感發熱頭眩咳嗽瘧疾嘔吐俱加生薑同煎泄瀉加烏梅同煎惟痢疾一症須加倍用大人每用五錢小兒二三錢加好酒茶心同煎每筋價銀一兩六錢若用匣裝每個五文店住學院考棚邊桂植巷內觀音亭頂南畔第三間范志吳氏牌匾為記 白酒藥麴 藥性考曰白酒藥麴松江得名良薑四兩草烏半筋吳萸白芷黃柏桂心乾薑香附薤芩苦參秦椒九味一兩等分菊花薄荷二兩齊稱丁皮益智五錢杏仁共為細末滑石五筋米粉斗入河沙拌勻造丸乾用釀酒芳馨炒焦拌食滯積消靈

帕拉聘 七椿園西域聞見錄帕拉聘草根也全似三七但色藍或黑出溫都斯坦回地人多往采取重價貨於回城云可治疾中土人弗達不敢嘗也 治一切陰冷痼疾服之立除

一枝蒿 紹郡府佐李秉文久客西陲言巴里坤出一種藥名一枝蒿生深山中無枝葉一枝茁土氣味如蒿四月間牧馬卒驅馬入山收草攜歸煎膏以售遠客有販至蘭州貨賣者 活血解毒去一切積滯沈痼陰寒等疾驅風理性

香草 石振鐸本草補西國產香草山野徧生樹高尺許不黑粒春時插之即活惡肥而喜潔遇夏即生小枝幹蚪曲經冬不彫花小而色紫白成實時中有蟲因蠅卵所致見小白點與絲網宜去之衣袖觸動芬芳襲人可紉以為佩采其花藏衣箱中能辟諸蟲焚其枝葉能辟除瘟疫嵐瘴房屋滯穢氣自除

主治解鬱凡心懷憂悶以布包置左脇下之傍能令胸膈舒暢○除蚤蝨壁蝨取枝葉暴乾為粉以布包貼肌膚上須多乃效○體受風寒不快以枝葉煎湯浴之浴後睡片時即愈○食不知味以葉煎酒空腹飲之同麴食使舌本津津饜飲○面有黑癍取葉或水或酒濃煎每晨塗面能滅斑滋顏○齒痛動搖醋煎葉乘熱擦之漱之○又治胃火盛口臭頭多風痒并髮穢觸人與記舍腦也不堅固取葉煎水服時加醋不特除頭外之病并禪頭之內可蓋人之記舍在腦故也 敬按以上所說皆出泰西

石氏本草核其形狀功用則似今人所名孀孩兒草近是但孀孩草正名孀甜草兒霜即萎並非經冬

不彫入春子種其宿根亦不發亦罕有尺許虬曲之枝幹或泰西地暖土肥如粵中之茄可以經冬成樹或又別有一種木本者姑存其說以俟考

臭草 本草補泰西既產香草復產臭草雖薰不同猶效用則一其本高尺餘開小黃花摘花恐陰乾待用與葉同功結子成實裂分四房每房子數粒春秋二仲皆可種之春月將枝插之亦活不畏霜雪亦不喜肥須澆以清水人以手捋之便臭氣拂拂亦非穢污朽腐可比也其功用亦與香草等種樹下能殺樹上蟲植圃中能辟蛇蠍蜈蚣等諸毒 泄瀉及小便不通取臭草葉或生或煮食之服毒并蛇蠍蜈蚣等毒急取臭草葉生食其毒自解腹內蛔蟲以清油煎臭草葉搗爛敷臍上勝食使君子遠矣鼻血取臭草葉搗爛塞鼻孔卽止危急重病昏暈采葉醋烹搗熟塞鼻卽醒耳痛以臭草葉搗爛取自然汁置石榴皮內煨過滴耳中目痛以葉置清水內露二三夜將葉蘸水點眼目力過勞以臭草葉自然汁加蜂蜜一滴并略加小茴香自然汁調和點眼久則光明楊梅瘡以自然汁略加好酒并清水粉同煎治之婦人心氣痛病由於子宮上沖用臭草葉嗅之以愈爲度大庾曹上士曾用此方數其靈驗小兒大便腸出以好酒煮臭草葉搗爛用布作膏貼之